

হাজির গান




দ্বিজেন্দ্রলাল রায়



১৩২৭

মূল্য ২০ আনা



প্রিন্টার—শ্রীহেমচন্দ্র রাঁ
বিউটী প্রেস
২৪২-১ অপার সারকিউলার
কলিকাতা।



Dr. [unclear]
[unclear]

ষষ্ঠ সংস্করণের নিবেদন

এই সংস্করণে “আনন্দ-বিদায়ে”র গানগুলি দেওয়া হইল। “আনন্দ-বিদায়ে”র মধ্যে যে গানগুলি স্বতন্ত্রভাবে গান হিসাবে গণ্য হইতে পারে না, সেগুলি বাদ দেওয়া হইল, এবং “গানে” আনন্দ-বিদায়ের যে গানগুলি আছে, সেগুলিও বাহ্যল্যভয়ে এই সংস্করণে প্রদত্ত হইল না।

নিবেদক—

শ্রীদিলীপকুমার রায়

উপহার



শ্রী ৩ অক্ষয় দেবী.

সূচীপত্র

গানের নাম	পৃষ্ঠা	গানের নাম	পৃষ্ঠা
তান্শান-বিক্রমাদিত্য-সংবাদ	১	গীতার আবিষ্কার	২৫
ইরাণ দেশের কাছি	২	বদলে গেল মতটা	২৭
রাম-বনবাস	৩	নন্দলাল	২৮
ভূকাসা	৪	হিন্দু	৩০
জিজিয়া কর	৫	কবি	৩১
খুসরোজ	৫	চণ্ডীচরণ	৩২
কালোরূপ	৭	স্বীর উমেদার	৩৪
দশ অবতার	৭	যেমনটি চাই তেমন হয় না	৩৬
কৃষ্ণ-রাধিকা-সংবাদ	৮	কি করি	৩৭
Reformed Hindoos	১০	প্রাণান্ত	৩৮
বিলাত ফের্তা	১২	প্রেম-তত্ত্ব	৩৯
চম্পটির দল	১৪	প্রণয়ের ইতিহাস	৪০
নতুন কিছু কারো	১৫	মৃতন চাই	৪১
হোল কি	১৭	এসো এসো বঁধু এসো	৪২
নবকুলকামিনী	১৮	নয়নে নয়নে রাধি	৪৩
পাঁচটি এয়ার	১৮	সবই মিঠে	৪৩
কিছু না	১৯	আমরা ও তোমরা	৪৪
যায় যায় যায়	২১	তোমরা ও আমরা	৪৬
বলি ত হাসব না	২২	চাষার প্রেম	৪৭
তা' সে হবে কেন	২২	বুড়ো বুড়ি	৪৯
এমন ধর্ম নাই	২৪	কুমি বুকি মনে ভাব	৪৯

গানের নাম	পৃষ্ঠা	গানের নাম	পৃষ্ঠা
বিরহ-তত্ত্ব	৫০	মৃত্যুপ	৬৯
বিরহ-ষাপন	৫১	আমি যদি পিঠে তোর ঐ	৭০
চাষার বিরহ	৫১	বেশ করেছে	৭১
অনুতাপ	৫৩	হ'তে পার্তাম	৭৩
তোমারি তুলনা তুমি	৫৩	জানে না	৭৫
নূতন প্রেম	৫৩	ভাবনায়	৭৬
বসন্ত-বর্ণনা	৫৪	ধর ধর	৭৬
বিষ্মুৎবারের বারবেলা	৫৫	বরাবরই ব'লে গেছি	৭৭
বিলেত	৫৬	I thoroughly agree.	৭৮
বর্ষা	৫৮	চাকরি করা হররানি	৮১
কোকিল	৫৯	এটা এক অভিনব	৮২
শেয়াল	৫৯	সে আসে ধেয়ে	৮৩
শালিক পাখী	৬০	জাগ জাগরে নেপাল	৮৩
জগৎ	৬১	হেলে হলে গোঠে	৮৪
পৃথিবী	৬১	আমরা সবাই পড়ি	৮৪
সংসার	৬২	আমি নিশিদিন তোমায়	৮৫
পূর্ণিমা-মিলন	৬৩	সখি শ্রাম না এলো	৮৫
চা	৬৪	ও রে রে রে নেপাল	৮৫
পান	৬৪	আহা ভেবো না	৮৬
সন্দেশ	৬৫	মারু মারু মারু	৮৬
সালসা খাও	৬৫	আমি আর কি	৮৭
ভাঙ	৬৭	আজ, চল চল	৮৭
সুরা	৬৮	নিপট কপট তুঁছ	৮৭
প্রেম-পরিণাম	৬৯	এসো হে, বধুরা	৮৮

হাসির গান



১। ঐতিহাসিক ও পৌরাণিক

তান্সান্-বিক্রমাদিত্য-সংবাদ

হো—বিক্রমাদিত্য রাজার ছিল নব রত্ন ন' ভাই ;

আর, তান্সান্ ছিলেন মহা ওস্তাদ—এলেন তাঁহার সভায় ;

অ— অর্থাৎ আস্তেন নিশ্চয় তান্সান্ বিক্রমাদিত্যের 'কোর্টে'—

কিন্তু দুঃখের বিষয় তখন তান্সান্ জ্ঞানান্নিক মোটে ।

(কোরাস্) তা ধিন্তাকি ধিন্তাকি ধিন্তাকি ধিন্তাকি—

মেও এঁও এঁও ।

যাহোক্, এলেন তান্সান্ কলিকাতায় চ'ড়ে রেলের গাড়ী ;

আর, 'হুগলি ব্রিজ' পার হ'য়ে উঠলেন বিক্রমাদিত্যের বাড়ী ;

অ—অর্থাৎ উঠতেন নিশ্চয়, কিন্তু 'রেল পুল' তখন হয় নি ;

আর, বিক্রমাদিত্যের ছিল অগ্নি রাজধানী—উজ্জয়িনী ।

(কোরাস্) তা ধিন্তাকি ধিন্তাকি ধিন্তাকি ধিন্তাকি,—

মেও এঁও এঁও ।

যাহোক্, এলেন তান্সান্ রাজার কাছে দেখাতে ওস্তাদি ;

আর, নিয়ে এলেন নানা বাস্ত—'পিয়ানো' ইত্যাদি ;—

হাসির গান

অ—অর্থাৎ আনুতেন নিশ্চয়, কিন্তু হ'ল হঠাৎ দৃষ্টি,

যে হয়নিক তান্সানের সময় 'পিয়ানো'র ও সৃষ্টি ।

(কোরাস্) তা ধিন্তাকি ধিন্তাকি ধিন্তাকি ধিন্তাকি,—

মেও এঁও এঁও ।

যাহোক্, তান্সান্ গাইলেন এমন মল্লার, রাজা গেলেন ভিজ্জে ;

আর, গাইলেন এমন দীপক, তান্সান্ জ'লে উঠলেন নিজে ;—

অ—অর্থাৎ যেতেন রাজা ভিজ্জে, তান্সান্ উঠতেন জ'লে ;

কিন্তু, রাজার ছিল 'ওয়টারপ্রফ্', আর তান্সান্ এলেন চ'লে ।

(কোরাস্) তা ধিন্তাকি ধিন্তাকি ধিন্তাকি ধিন্তাকি,—

মেও এঁও এঁও ।

হ'ল সেই দিন থেকে প্রসিদ্ধ তান্সানের গীতি বাণ্ড ;

আর, আজও রোজ রোজ অনেক ওস্তাদ করেন তাঁহার শ্রাদ্ধ ;

অর্থাৎ, তাঁর গানের শ্রাদ্ধ—তাঁর ত হ'য়ে গেছে কবে ?

আর, তান্সান্ মুসলমান, তাঁর শ্রাদ্ধ কেমন ক'রে হবে ?

(কোরাস্) তা ধিন্তাকি ধিন্তাকি ধিন্তাকি ধিন্তাকি,—

মেও এঁও এঁও ।

ইরাণ দেশের কাজী

আমরা ইরাণ দেশের কাজী ।

আমরা এসেছি একটা নূতন আইন প্রচার কর্তে আজি ।

যে, যা বলিবে সবই ইমামকুন্, হউক মিথ্যা হউক ভুল ;—

তোমাদের হবে বলিতে তাতেই "বাহবা, বাহবা, বা জি !"

ইমাম সবাই সত্য-প্রিয়, পার্শী মিথ্যাবাদী,
 পার্শী ইমামে বিবাদ বাধিলে, পার্শীই অপরাধী ।
 পার্শী ঠেকিলে ইমাম গায়, মাথাটি বাঁচানো হইবে দায় ;—
 পার্শীর শির কাটিয়া লইলে, হইতে হইবে রাজি ।
 আমরা সবাই দেখেছি ইমান বিচার করিয়া স্মরণ—
 ইমাম সবাই বুদ্ধিমান, আর পার্শী সবাই মুর্থ ;
 পার্শীর তবে হইল রদ—ব্যতীত কুলী ও কেরাণী পদ ;
 হাকিম হকিম হইবে সবাই হোসেন হাসেন হাজি ।
 দাদাভাই হোক জিজিভাই হোক কারসেটজী কি মেটা—
 আজ থেকে তবে ঠিক হ'য়ে গেল—সবাই সমান বেটা ;
 তবে, যে বেটা বলিবে, “হাঁ হাঁ তা হোক,” সে বেটা কতক
 উদ্ভলোক ;
 আর, যে বেটা বলিবে “তা না না না না না”, সে বেটা
 বেজায় পাঞ্জী ।

রাম-বনবাস

একি হেরি সর্বনাশ !

রাম, তুই হ'বি বনবাস—একি হেরি সর্বনাশ !

তোরে ছেড়ে যবে না প্রাণ—আমার ধুব এ বিশ্বাস ।

একি হেরি সর্বনাশ !

যদি, নিতান্ত যাইবি বনে,

সঙ্গে নে' সীতা লক্ষণে,

ভালো এক জোড় পাশা, আর ঐ (ওরে) ভালো দু'জোড় তাস ।

হাসির গান

একি হেরি সৰ্বনাশ !

ওরে, আমি যদি তুই হইতাম, পোর্টম্যান্টর ভিতরে নিভাম,
বন্ধিমের ঐ ধানকতক (ওরে) ভালো উপস্থাস !

একি হেরি সৰ্বনাশ !

ও রাম, দেখিস্ তোর ঐ বাপ মাকে চিঠি লিখিস্ প্রতি ডাকে,
আর মাঝে মাঝে রাত্ৰিকালে, (ওরে) 'পোটেটো চপ্' খাস্ ।

একি হেরি সৰ্বনাশ !

পুরাকালে ছিল, শুনি,

ছৰ্ব্বাসা নামেতে মুনি—

আজ্ঞানুলম্বিত জটা, মেজাজ বেজায় চটা,

দাড়িগুলো ভারি কটা ;—

পারিত না বটে লিখিতে কবিতা মহৰ্ষি বাল্মীকি চাইতে ;

পারিত না বটে নারদের মত বাজাতে নাচিতে গাইতে ;

কিন্তু ঋষি ভারি রোষে বিনা কারো কিছু দোষে,

গালি দিত খুব ক'সে ;

ক'রে দিত কারো ব্যবস্থা সুন্দর নানাবিধ ভালো খাণ্ড ;

ক'রে দিত কারো, বিনা ব্যয়ে, পিতৃপিতামহশ্রদ্ধ ;

তার ভয়ে দিবানিশি বিকম্পিত দশদিশি—

এমনি বেয়াড়া ঋষি ;—

জিজিয়া কর

পাঁচশ' বছর এমনি ক'রে আসছি স'য়ে সমুদায় ;
 এইটি কি আর সৈবেনাক—ছ'ঘা, বেশী জুতার ঘায় ?
 সেটা নিয়ে মিছে ভাবা ; দিবি ছ'ঘা, দেনা বাবা !
 ছ'ঘা বেশী, ছ'ঘা কমে, এমনি কি আসে যায় ।
 তবে কিনা জুতোর গুঁতো হ'য়ে গেছে অনেকবার,
 একটা কিছু নূতন রকম কলে' হ'ত উপকার ;
 ধরনা যেমন, বেটা ব'লে দিলি না হয় কানটা ম'লে ;—
 জুতার খোঁটা খেয়ে ঘাঁটা প'ড়ে গেছে সকল গায় ।
 প'ড়ে আছি চরণতলার নাকটি গুঁজে অনেক কাল ;
 সৈবে সবই, নইত মানুষ, আমরা সবাই ভেড়ার পাল ;
 যে যা করিস্ দেখিস্ চাচা, মোদের পৈতৃক প্রাণটা বাঁচা,
 শাঁসটা খেয়ে অঁাসটা ফেলে দিস্‌রে ছ'টো ছ'বেলায় ।
 তোরাই রাজা তোরাই মুনিব, মোরা চাকর মোরা পর,
 মনে করিস্ চাচা এটা তোদের বাড়ী তোদের ঘর ;
 মোরা বেটা মোরা পাজি, যা বলিস্ তাই আছি রাজি ;—
 রাজার নন্দিনী প্যারি, যা বলিস্ তাই শোভা পায় ।

খুসরোজ

আজি, এই শুভদিনে শুভরূপে উড়ানে দিই জয়-ধ্বজায়,
 —উপাধি পেয়েছি যা, রাখতে তা ত হবে বজায় ।

হাসির গান

—আমাদের ভক্তি যা এ—এ যে গো মানের দায়ে ;

এখন ত উচিত কার্য এদিক ওদিক বুঝে চলাই ;

—সাথে কি বাবা বলি, গুঁতোর চোটে বাবা বলায় ।

আজ, এই শুভ-রাতি, জালবো বাতি ঘরে ঘরে ভক্তিভাবে ;

নৈলে যে চাকরি যাবে, নৈলে যে চাকরি ষাবে ।

—আমাদের ভক্তি যা এ—এ যে গো পেটের দায়ে ;

নিয়ে আয় চেরাক বাতি, নিয়ে আয় দিয়েসলাই ;

—সাথে কি বাবা বলি, গুঁতোর চোটে বাবা বলায় ।

“জয় জয়, মোগল ব্যাঘ্র মোগল ব্যাঘ্র”, ব’লে জোরে ডঙ্কা বাজাই ;

পাহারা ফিচ্ছে দ্বারে, সেটা যেন ভুলে না যাই ;

—আমাদের ভক্তি যা এ—এ যে গো প্রাণের দায়ে ;

কি জানি পিছন থেকে কখন ফাঁসি পড়ে গলায় ;

—সাথে কি বাবা বলি, গুঁতোর চোটে বাবা বলায় ।

আমরা সব “রাজভক্ত রাজভক্ত” ব’লে চেঁচাই উচ্চ রবে ;

কারণ সেটার যতই অভাব, ততই সেটা ব’লতে হবে ;

—আমাদের ভক্তি যা এ—মানের, পেটের, প্রাণের দায়ে ;

দেখে সে রক্ত অঁাধি, ভক্তি যা তা ছুটে পলায় ;

—সাথে কি বাবা বলি, গুঁতোর চোটে বাবা বলায় ।

ভোলানাথ গুয়ে আছেন,—ঈশ্বর তাঁরে স্মখে রাখুন ;

কালী জিব মেলিয়ে আছেন, তা তিনি মেলিয়ে থাকুক ;

শ্রীকৃষ্ণ হ’য়ে বাঁকা, থাকুন তিনি পটেই অঁাকা ;

আমরা সব নিরে শরণ মোগলদেবের চরণতলায় ;
—সাধে কি বাবা বলি, গুঁতোর চোটে বাবা বলায় ।

কালোরূপ

কালোরূপে মজেছে এ মন ।
ওগো, সেই যে মিশ্ মিশে কালো,
সে যে ঘোরতর কালো,—অতি নিরুপম ।
কোকিল কালো, ভোমরা কালো,
আমরা কালো, তোমরা কালো,
মুচি মিস্ত্রি ডোমরা কালো ;—
কিন্তু জানো না, কি কালো সেই কালো রঙ,—
ওগো সেই কালো রঙ ।
কালী কালো, মিশি কালো অমাবস্তার নিশি কালো ;
গদাধরের পিসি কালো ;
কিন্তু তার চেয়েও কালো সে কালো বরণ !
ওগো, সে কালো বরণ !

দশ অবতার

হরি, মৎস্য অবতারে ছিলেন জলে বাসা করি',
আর, কুম্ভ অবতারে পাঁকে পশিলেন হরি ।
এলেন, বরাহাবতারে, উঠে জঙ্গল ভিতরে,
আর, নৃসিংহাবতারে হ'লেন বিকাশ অর্ধ নরে ।

হাসির গান

হ'লেন, বামনাবতারে নর—খাটো কিন্তু সত্য,
আর, পরশুরামেতে বীর্যে স্থাপেন রাজত্ব ।
হ'লেন, রাম অবতারে হরি—প্রেমিক, ভক্ত, সৎ ;
আর, কৃষ্ণ অবতারে হরি রচেন গীতা “ভগবৎ” ।
আর, বুদ্ধ অবতারে নিলেন যোগধর্ম শিখি',
আর, কন্ধি অবতারে হরি রাখিলেন টিকী ।
তবে, টিকী রাখি' কর সবে জীবন সফল,
আর, একবার টিকী নেড়ে “হরি হরি” বল ।

কৃষ্ণ-রাধিকা-সংবাদ

কৃষ্ণ বলে “আমার রাধে বদন তুলে চাও”
আর—রাধা বলে “কেন মিছে আমারে জালাও—
মরি নিজের জালায়” ।
কৃষ্ণ বলে “রাধে ছুটো প্রাণের কথা কই”
আর—রাধা বলে “এখন তাতে মোটেই রাজি নই—
সরো—ধোঁয়ায় মরি”
কৃষ্ণ বলে “সবাই বলে আমার মোহন বেণু,”
আর—রাধা বলে “ওহো—শুনে আমি ম'রে গেলু—
আমায় ধর ধর”
কৃষ্ণ বলে “পীতধড়া বলে আমার সবে”
আর—রাধা বলে “বটে ! হ'ল মোক্ষলাভটি তবে—
থাক্ আর খাওয়া দাওয়া”
কৃষ্ণ বলে “আমার রূপে ত্রিভুবনটি আলো”

হাসির গান

আর—রাধা বলে “তবু যদি না হ’তে মিশ্ কালো—

রূপ ত ছাপিয়ে পড়ে” ।

কৃষ্ণ বলে “আমার গুণে মুগ্ধ ব্রজবাল্য”

আর—রাধা বলে “ঘুম হ’চ্ছে না ! এ ত ভারি আলা—

তাতে আমারই কি” !

কৃষ্ণ বলে “শুনি ‘হরি’ লোকে আমার কয়”

আর—রাধা বলে “লোকের কথা কোরোনা প্রত্যয়—

লোকে কি না বলে” !

কৃষ্ণ বলে “রাধে তোমার কি রূপেরই ছটা”

আর—রাধা বলে “হাঁ হাঁ কৃষ্ণ, হাঁ হাঁ তা তা বটে—

সেটা সবাই বলে” ।

কৃষ্ণ বলে “রাধে তোমার কিবা চারু কেশ”

আর—রাধা বলে “কৃষ্ণ তোমার পছন্দটা বেশ—

সেটা বলতেই হবে” ।

কৃষ্ণ বলে “রাধে তোমার দেহ স্বর্ণলতা—”

আর—রাধা বলে “কৃষ্ণ তোমার খাসা মিষ্টি কথা—

যেন সুধা ঝরে” ।

কৃষ্ণ বলে “এমন বর্ণ দেখিনি ত কভু”

আর—রাধা বলে “হাঁ আজ সাবান মাখিনিত তবু—

নইলে আরও শাদা” ।

কৃষ্ণ বলে “তোমার কাছে রতি কোথায় লাগে”

আর—রাধা বলে “এসব কথা বল্লেই হ’ত আগে—

গোল ত মিটেই যেত” ।

২। সামাজিক

REFORMED HINDOOS.

যদি জ্ঞান্তে চাও আমরা কে,

আমরা Reformed Hindoos.

আমাদের চেনে নাকো যে,

Surely he is an awful goose ;

কেন না আমরা Reformed Hindoos.

It must be understood

যে একটু heterodox আমাদের food ;

কারণ, চলে মাঝে মাঝে 'এ'টা ও'টা, সে'টা, যখন

we choose.

—কিন্তু, সমাজে তা স্বীকার করি if you think,

তা'লে you are an awful goose.

আমাদের dress হবে English কি Greek

তা এখনো কর্তে পারিনি ঠিক ;

আর ছেড়েছি টিকি, নইলে সাহেবেরা বলে সব .

superstitious ও obtuse.

—কিন্তু টিকিতে electricity. নেই if you think,

তা'লে you are an awful goose.

আমাদের ভাষা একটু quaint as you see.

এ নয় English কি Bengali,

করি English ও Bengalir খিচুড়ি বানিয়ে

conversationএ use ;

—কিন্তু একটিও ঠিক কইতে পারি if you think,

তা'লে you are an awful goose.

মোটাকিয়া দিয়া ঠেস

আমরা স্বাধীন করি দেশ—

আর friendsদের ভিতরে ইংরেজগুলোকে

করি খুব hate ও abuse ;

কিন্তু সামনে সেলাম না করি if you think,

তা'লে you are an awful goose.

আমরা পড়ি Mill, Hume, Spencer,

কোন ধর্মের ধারি না ধার ;

করি hoot alike the Hindoos, the Buddhists,

the Mahomedans, Christians & Jews ;—

কিন্তু ফলার ভোজে হিঁড়ু নই if you think,

তা'লে you are an awful goose.

About female education,

ও female emancipation,

আর infant marriage, আর widow remarriage,

আমাদের খুব enlightened views ;

কিন্তু views মতে কাজ করি if you think,

তা'লে you are an awful goose.

হাসির গান

You are not far wrong if you think,
যে আমরা করি একটু বেশী drink,
কিন্তু considering our evolutionএর state,
আমাদের morals নয় খুব loose ;
আর about morals, we care a hang if you think,
তা'লে you are an awful goose.

From the adove দেখতে পাচ্চ বেশ,
যে আমরা neither fish nor flesh ;
আমরা curious commodities, human
oddities, denominated Baboos ;
আমরা বক্তৃতায় যুক্তি ও কবিতায় কাঁদি, কিন্তু কাজের
সময় সব ট'ট's ;
আমরা beautiful muddle, a queer amalgam
of শশধর, Huxley, and goose.

আমরা বিলাত ফের্তা ক' ভাই,
আমরা সাহেব সেজেছি সবাই ;
তাই কি করি নাচার, স্বদেশী আচার
করিয়াছি সব জবাই ।
আমরা বাংলা গিয়েছি ভুলি,
আমরা শিখেছি বিলিতি বুলি

আমরা চাকরকে ডাকি “বেয়ারা”—আর
 মুটেদের ডাকি “কুলি” ।

“রাম” “কালীপদ” “হরিচরণ”
 নাম এ সব সেকলে ধরণ ;
 তাই নিজেদের সব “ডে” “রে” ও “মিটার”
 করিয়াছি নামকরণ ;

আমরা সাহেব সঙ্গে পাটি,
 আমরা মিষ্টার নামে রটি
 যদি “সাহেব” না ব’লে “বাবু” কেহ বলে,
 মনে মনে ভারি চটি ।

আমরা ছেড়েছি টিকির আদর,
 আমরা ছেড়েছি ধুতি ও চাদর,
 আমরা ছাট বুট আর প্যান্ট কোট প’রে
 সেজেছি বিলাতি বাদর ;

আমরা বিলিতি ধরণে হাসি,
 আমরা ফরাসি ধরণে কাশি,
 আমরা পা ফাঁক করিয়া সিগারেট খেতে
 বড্ডই ভালবাসি ।

আমরা হাতে খেতে বড় ডরাই,
 আমরা ক্রীকে ছুরি কাঁটা ধরাই,
 আমরা মেয়েদের ছুতো মোজা, দিদিমাকে
 জ্যাকেট কামিজ, পরাই ।

আমাদের সাহেবিয়ানার বাধা
 এই যে, রংটা হয়না সাদা,
 তবু চেপ্টার ক্রটি নেই—‘ভিনোলিয়া’
 মাধি রোজ গাদা গাদা !
 আমরা বিলেত ফের্তা ক’টায়,
 দেশে কংগ্রেস আদি ঘটাই ;
 আমাদের সাহেব যদিও দেবতা, তবু ঐ
 সাহেবগুলোই চটাই ।
 আমরা সাহেবি রকমে হাঁটি,
 স্পীচ দেই ইংরিজি খাঁটি ;
 কিন্তু বিপদেতে দেই বাঙালিরই মত
 চম্পট পরিপাটি ।

চম্পটির দল

চম্পটি চম্পটি চম্পটি,
 চম্পটির দল আমরা সবে ।

একটু মেশাল রকম ভাবে আমরা ক’জন এইছি ভবে ।
 যদি কিছু দেশী রং, রেখেছি সাহেবি তং ;
 একটু তবু নেটিভ গন্ধ, কি কর্ব তা র’বেই রবে ।
 ইংরাজীতে কহি কথা, সেটা ‘পাপার’ উপদেশ ;
 ছাড়া কোটা পরি কেন—কারণ সেটা সভ্য বেশ ;
 চক্ষে কেন চসমা সাজ ?—কারণ সেটা ফ্যাসান আজ ;—
 চসমাশূত্র ছাত্রমহল, কোথায় কে দেখেছে কবে ।

বঙ্গভাষা কইতে শিখ্ছি, বছর দুস্তিন লাগবে আরো ;
 তবে এখন কইছি যে, সে তোমরা যাতে বুঝতে পারো ;
 টেবিলেতে খাচ্ছি খানা . কারণ সে সাহেবিয়ানা ;
 খাইবা যদি শাক চচ্চড়ি টেবিলেতে খেতেই হবে ।
 ইউরেশীয়ান ছেলে মেয়ে তৈরি মোরা হচ্ছি ক্রমে,
 এদিকেও সংখ্যায় বাড়্ছি বিনা কোন পরিশ্রমে ;
 জানিনা কি হবে শেষে, কোথায় বা চলেছি ভেসে ;
 মাঝি-শূত্র নৌকার উপর ভেসে যাচ্ছি ভবান্ধবে ?

নতুন কিছু করো

নতুন কিছু করো, একটা নতুন কিছু করো ।
 নাক গুলো সব কাটো, কাণ গুলো সব ছাঁটো ;
 পা গুলো সব উচু ক'রে মাথা দিয়ে ছাঁটো ;
 হামাগুড়ি দাও, লাফাও, ডিগবাজি খাও, ওড়ো ;
 কিংবা চিংপাত হ'য়ে—পা গুলো সব ছোড়ো ;
 ঘোড়া গাড়ী ছেড়ে এখন বাইসিকলে চড়ো,
 —নতুন কিছু করো, একটা নতুন কিছু করো ।
 ডাল ভাতের দফা কর সবাই রফা,
 কর শীগ্গির খুতিছাদরনিবারিণী সভা ;
 প্যান্ট পরো, কোট পরো, নইলে নিভে গেলে ;
 খুতি চাদর হ'য়েছে যে নিতান্ত সেকলে ;

হাসির গান

কাঁচকলা ছাড়ো, এবং রোষ্ট চপ্ ধরো ;
—নতুন কিছু করো, একটা নতুন কিছু করো ।
কিংবা সবাই ওঠো, টাউন হলে জ্বোটো ;
হিন্দুধর্ম প্রচার কর্তে আমেরিকার ছোটো ;
আমরা যেন নেহাইং খাটো হ'য়ে না যাই, দেখো,—
খুব খানিক চেষ্টাও কিংবা খুব খানিক লেখো ;
বেন্, মিল্ ছাড়ো, আবার ভাগবত পড়ো ।
—নতুন কিছু করো, একটা নতুন কিছু করো ।
আর কিছু না পারো, স্ত্রীদের ধ'রে মারো ;
কিংবা তাদের মাথায় তুলে নাচো—ভালো আরো !
একেবারে নিভে যাচ্ছে দেশের স্ত্রীলোক ;
বি এ, এম এ, ঘোড়সোয়ার, যা একটা কিছু হোক ।
যা হয়—একটা করো কিছু রকম নতুনতরো ;
—নতুন কিছু করো একটা নতুন কিছু করো ।
হ'য়েছি অধীর যত বঙ্গবীর ;
এখন তবে কাটো সবাই নিজের নিজের শির ;
পাহাড় থেকে পড়ো, সমুদ্রে দাও ডুব,
মর্ষে, না হয় মর্ষে,—একটা নতুন হবে খুব ।
নতুন রকম বাঁচো, কিংবা নতুন রকম মরো ;—
—নতুন কিছু করো, একটা নতুন কিছু করো ।

—

হোল কি

হোল কি ! এ হোল কি !—এ ত ভারি আশ্চর্য্য !
বিলেত-ফের্তা টান্ছে হুকা, সিগারেট খাচ্ছে ভাশ্চর্য্য ।
হোটেলফের্তা মুন্সেফ ডাক্ছেন “মধুসূদন কংসারি” !
চট্ট চটির দোকান খুলে দস্তুরমত সংসারী !

ছেলের দল সব চস্মা প’রে ব’সে আছে কাটখোটা ;
সাহেবরা সব গেরুয়া পর্ছে, বাঙালী ‘নেকটাইছাটকোটা’ ;
পক্ষীর মাংস, লক্ষ্মীর মত, ছেলেবেলায় খান্নি কে ?
ভবনদীর পারে গিয়ে বিড়াল বস্ছেন আছিকে ।

পণ্ড গণ্ড লিখ্ছে সবাই, কিন্ছে না ক কিন্তু কে’ই ;
কাট্ছে বটে—পোকায় কিন্তু, আলমারি কি সিদ্ধুকেই ।
জহরচন্দ্র, গোকুলমাইতি বাড়্ছে লম্বা চওড়াতে ;
বিদ্যারত্ন দরকার শুদ্ধ বিয়ের মন্ত্র আওড়াতে ।

পুরুষরা সব শুন্ছে ব’সে, মেয়েরা আসর জম্কাচ্ছে ;
গাচ্ছে এমনি তালকানা, যে শুনে তা’ পীলে চম্কাচ্ছে ।
রাজা হ্ছে শিষ্টশাস্ত্র, প্রজা হ্ছে জবদার ;
মুনিব কচ্ছে ‘আজ্ঞা হুজুর’, চাকর কচ্ছেন ‘খবদার’ ।
রাধাকৃষ্ণ রঙ্গমঞ্চে নাচ্ছেন গিয়ে আনন্দে ;
ব্যাখ্যা কচ্ছেন হিন্দুধর্ম হরি ঘোষ আর প্রাণধন দে ;
শাস্ত্রিবর্গ কোনই শাস্ত্রের ধারেন না এক বর্গ ধার,
জীরা হ্ছেন ভবান্গবে বেশী মাত্রায় কর্ণধার ।

নবকুলকামিনী

ক'টি নব-কুল-কামিনী ।

অন্ধকার হইতে আলোকে চলেছি মন্দগামিনী ।

জানি ছুতা, মোজা, কামিজ পরিতে ;

চেয়ারে ঠেসিয়া গল্প করিতে ;—

‘পারত পক্ষে’ উপর হইতে নীচের তলায় নামিনে ।

গৃহের কার্য করুক সকলে—খুড়ি, জ্যোঠা, পিসী, মাসীতে ;

আমরা সবাই, নব্য প্রথায়, শিখেছি হাসিতে কাশিতে ;

করিতে নাটক নভেল শ্রদ্ধ ;

করিতে নৃত্য, গীত, বাণ্ড ;

বসিতে, উঠিতে, চলিতে, ফিরিতে, ঘুরিতে দিবস যামিনী ।

ব্যবসা করিয়া, চাকরি করিয়া, অর্থ আন্সুক পতিরী ;

রাজি আছি, তাহা খরচ করিয়া, বাধিত করিতে সতীরী ;

বিলাতি চলন, বিলাতি ধরণ,

আমরা করিতেছি অনুকরণ ;

যেমন সভ্য স্বামীরী, তাহার চাই ত যোগ্য ভামিনী ।

পাঁচটি এয়ার

আমরা পাঁচটি এয়ার—

আমরা পাঁচটি এয়ার দাদা, আমরা পাঁচটি এয়ার ।

আমরা পাঁচটি সখের মাঝি ভবসিকুথেরার,—

কিন্তু পার করি শুধু বোতল গেলাস—আমরা পাঁচটি এয়ার

হাসির গান

দেখ, ব্রাণ্ডি মোদের রাজা, আর শ্যাম্পেন মোদের রাণী ;
আমরা করিনে কাহারে ডর, আমরা করিনে কাহারও হানি ;
আমরা রাখিনে কাহারও তকা, আমরা করিনে কাউরে কেয়ার ;
এ ভবমাঝে সবই ফকা—জেনেছি আমরা পাঁচটি এয়ার ।
কেন নদীর জলে কাদা, আর সাগর জলে মুন ?—
পাছে, মেলা সাদা জল খেয়ে হয় মানুষগুলো খুন ।
কেন তুমি হ'লে নাক কবি, হ'ল সেক্সপীয়ার ?
আর সে সব কথা কাজ কি ব'লে ;—আমরা পাঁচটি এয়ার ।
কেন দেবতা দিল তাড়িয়ে দৈত্য—বল দেখি দাদা !—
কারণ দেবতা খেতো লাল পানি, আর দৈত্য খেত সাদা ।
এ ভবারণ্যের ফেরে এমন সুহৃদ আছে কে আর ?
এ জীবনের যা সার বুঝেছি—আমরা পাঁচটি এয়ার ।
মোদের দিওনাকো কেউ গালি, মোদের ক'রোনাকো কেউ মানা ;
আমরা খাবোনাক কারো চুরি ক'রে হুক্ক, ননী, ছানা ;
শুধু, লুঠিব একটু মজা, শুধু করিব একটু পেয়ার ;
শুধু, নাচিব একটু, গাইব একটু—আমরা পাঁচটি এয়ার ।

কিছু না

নাঃ !—এ জীবনটা কিছু নাঃ !
শুধু একটা “ইঃ”, আর একটা “উঃ” আর একটা “আঃ” !
এ ছাড়া জীবনটা কিছুই নাঃ !

হাসির গান

সবই বাড়াবাড়ি, আর তাড়াতাড়ি,
আর কাড়াকাড়ি, আর ছাড়াছাড়ি ;
এসব ক'রোনাক, খাসা ব'সে থাক,
ভাঙ্গা, ছড়িয়ে দিয়ে পা ;
—আর বল জীবনটা কিছু নাঃ ।

কেন চটাচটি, আর রোষারোষি,
আর গালাগালি, আর দোষাদোষী ?
কর হাসাহাসি, ভালবাসাবাসি,
আর ব'সে, গোঁফে দাও তাঃ ;—

ছেড়ে দলাদলি কর গলাগলি,
ছেড়ে রেষারেষি কর মেশামেশি,
ছেড়ে ঢাকাঢাকি কর মাখামাখি,
আর সবাইকে বল 'বাঃ' !
—নইলে জীবনটা কিছু নাঃ ।

এত বকাবকি, চোকরাঙ্গারঙ্গি,
আর ছড়োছড়ি, ঘাড়ভাঙ্গাভাঙ্গি,
প্রাণ কাজেই তাই করে 'আই চাই' ;—
আর সদাই 'বাপ্‌রে মাঃ ;

ছেড়ে কিচিমিচি, আর 'ছি ছি ছি ছি'
আর মুহুমুহ 'হাম উহ উহ',
প্রাণের সার যাহা—কর 'আহা আহা'
আর হোঃ হোঃ হোঃ, হিঃ হিঃ হিঃ, হাঃ ;
—তা নইলে জীবনটা কিছু নাঃ ।

যায় যায় যায়

ঐ যায় যায় যায়,—

প'ড়ে এ কলির ফেরে, সবাই যে রে—ভেঙ্গে চূরে
ভেসে যায় ।

ঐ যায়—ব্রহ্মা যায়, বিষ্ণু যায়, ভোলানাথও চিৎ ;

ঐ যায়—দৈত্য রক্ষঃ, দেব যক্ষ, হ'য়ে যায় রে 'মিথ' ;

ঐ যায়—রাম, রাবণ, পতিতপাবন কৃষ্ণ,

শ্রীগৌরান্ন ভেসে ;—

আছেন এক ঈশ্বর মাত্র ; দিবারাত্র টানাটানি, তাঁরেও শেষে

ঐ যায়—৮৪ নরক, সপ্ত স্বরগ—তার সঙ্গে মিশি' ;

ঐ যায়—ভীষ্ম, দ্রোণ, দুর্য়োধন, ব্যাস, নারদ ঋষি ;—

ঐ যায়—গোপীর মেলা, ব্রজের খেলা, সঙ্গে শ্রামের

বাশরীটি ;—

রৈল শুধু—আপিস, থানা, হোটেলখানা, রেল ও

মিউনিসিপ্যালিটি ।

ঐ যায়—পুরাণ, তন্ত্র, বেদ, মন্ত্র, শাস্ত্রকান্ড পুড়ে ;

ঐ যায়—গীতামর্ষ, ক্রিয়াকর্ষ, হিন্দুধর্ম উড়ে' ;

রৈল শুধু—গেটে, শিলার, ডারুইন, মিল, আর—

ছেলের খরচ মেয়ের 'বিয়া' ;

রৈল শুধু—ভাষ্যার বন্দ, ড্রেনের গন্ধ, জ্বোলো দুধ আর ম্যালেরিয়া ।

বলি ত হাস্ব না

বলি ত হাস্ব না, হাসি রাখতে চাই ত চেপে' ;
কিন্তু এ ব্যাপার দেখে, থেকে থেকে, যেতে হয় প্রায় ক্ষেপে ।
সাহেব-তাড়াহত, খতমত, অঞ্চলস্থ স্ত্রীর,
ভূত-ভয়-গ্রস্ত, পগারস্থ, মস্ত মস্ত বীর ;
যবে সব কলম ধোরে, গলার জোরে, দেশোদ্ধারে ধায় ;
তখন আমার হাসির চোটে, বাঁচাই মোটে, হ'য়ে ওঠে দায় ।
যবে নিয়ে উড়ে তর্ক, শাস্ত্রিবর্গ টিকি দীর্ঘ নাড়ে ;
একটু 'গ্যানো' প'ড়ে কেহ চড়ে বিজ্ঞানেরই ঘাড়ে ;
কোর্টে 'এক ঘ'রের' মস্ত বন্দোবস্ত ব্যস্ত কোন ভাঙ্গা ;
তখন আমি হাসি জোরে, গুন্ফ ভ'রে ছেড়ে প্রাণের মাঙ্গা ।
যবে কেউ বিলেত থেকে ফিরে বেঁকে প্রায়শ্চিত্ত করে ;
যবে কেউ মতিভ্রান্ত, ভেড়াকান্ত ধর্ম্য ভাঙ্গে' গড়ে' ;
যখন কেউ প্রবীণ ভণ্ড, মহাষণ্ড পরেন হরির মালা—
তখন ভাই নাহি ক্ষেপে, হাসি চেপে রাখতে পারে কোন্—

তা' সে হবে কেন !

তোমরা দেশোদ্ধারটা কর্তে চাও কি ক'রে মুখে বড়াই ?

তা' সে হবে কেন !

তোমরা বাক্য-বাণে শুধু ফতে কর্তে চাও কি লড়াই ?

তা' সে হবে কেন !

তোমরা ইংরাজ-গৌরবে ক্লক ব'লে চাও কি যে, সে
তোমাদের ও করপদে দেশটা সঁপে, শেষে
তল্লিতল্লা বেঁধে, নিজের চলে যাবে দেশে ?

—তা' সে হবে কেন !

তোমরা হিন্দু-ধর্ম "প্রচার" করেই, হ'তে চাও যে ধত্ত্ব,

—তা' সে হবে কেন !

তোমরা মুখ' হ'য়ে হ'তে চাও যে বিশ্বে অগ্রগণ্য !

তোমরা বোঝাতে চাও হিন্দু ধর্মের অতি সুন্দর মর্ম—

'ভীরুতাটা আধ্যাত্মিক, আর কুড়েমিটা ধর্ম !'

অমনি তাই সব বুঝে যাবে যত শ্বেতচর্ম ?

—তা' সে হবে কেন !

তোমরা সাবেক ভাবে সমাজটিকে রাখতে যাও যে খাড়া ;

—তা' সে হবে কেন !

তোমরা স্রোতটাকে ফিরাতে চাও যে দিয়ে মুখের তাড়া ;

—তা' সে হবে কেন !

তোমরা বিপ্র হ'য়ে ভৃত্য-কার্য্য ক'রে বাড়ী ফিরে,

শাস্ত্র ভুলে, রেখে শুধু আর্কফলা শিরে—

দলাদলি করে শুধু রাখবে সমাজটীরে ?

—তা' সে হবে কেন !

তোমরা চিরকালটা নারীগণে রাখবে পাঁচিল ঘিরে' ?

—তা' সে হবে কেন !

তোমরা গহনা ঘুষ দিয়ে বশে রাখবে রমণীরে ?

—তা' সে হবে কেন !

হাসির গান

তোমরা চাও যে তা'রা বন্ধ থাকুক, এখন যেমন আছে,
রান্নাঘরের ধোঁয়ায় এবং আঁস্তাকুড়ের কাছে ;
এবং তোমরা নিজে যাবে থিয়েটারে, নাচে ?

—তা' সে হবে কেন !

এমন ধর্ম্য নাই

ঐ ব্রহ্মা, বিষ্ণু, মহেশ্বর, হো ! কার্তিক, গণপতি—
আর দুর্গা, কালী, জগদ্ধাত্রী, লক্ষ্মী, সরস্বতী,—
আর শচী, উমা, ইন্দ্র, চন্দ্র, বায়ু, অগ্নি, যম ;—
ঐ সবই আছে ;—হিন্দুধর্ম্য তবে কিসে কম ?

(কোরাস্)—ছেড়োনাক এমন ধর্ম্য, ছেড়োনাক ভাই ;
এমন ধর্ম্য নাই আর দাদা, এমন ধর্ম্য নাই !

[বাণ্ড] তড়ালাক্ তড়ালাক্ তড়ালাক্ ডুম্ ।

ঐ কৃষ্ণরাধা, কৃষ্ণের দাদা বলরাম বীর,
আর শ্রীরাম, বুদ্ধ, শ্রীচৈতন্য, নানক ও কবীর ;
হ'ন নিত্য নিত্য উদয়, নব নব অবতার ;
ব্যস্—বেছে নেও—মনোমত ষিনি হ'ন য়ার !

(কোরাস্)—ছেড়োনাক [ইত্যাদি]

আছে বানর, কুমীর, কাঠবিড়ালী, ময়ূর, পেঁচা, গাই—
আর তুলসী, অশথ, বেল, বট, পাথর—কি এ ধর্ম্যে নাই !
ঐ বসন্ত, কলেরা, হাম—ইত্যাদি 'বেবাক্' ;
সবই রোগের ব্যবস্থা আছে—কিছু ষায় নি ফাঁক ।

(কোরাস্)—ছেড়োনাক [ইত্যাদি]

যদি চোরই হও, কি ডাকাত হও—তা গঙ্গায় দেও গে ডুব ;
 আর গয়া, কাশী, পুরী যাও সে—পুণ্য হবে খুব ;
 আর মদ্য, মাংস খাও—বা যদি হ'য়ে পড় শৈব ;
 আর না খাও যদি বৈষ্ণব হও ;—এর গুণ কত কৈব ।

(কোরাস্)—ছেড়োনাক [ইত্যাদি]

গীতার আবিষ্কার

বড়ই নিন্দা মোদের সবাই কচ্ছেঁ দিবারাতি ;
 ব'লছে আমরা ভণ্ড, ভীকু, মিথ্যাবাদী-জাতি ;
 হতাশভাবে তক্তার উপর পড়্লাম গিয়ে শুয়ে,
 দুইটি ধারে সরল রেখায় ছড়িয়ে হস্ত দু'য়ে ;
 ভাবছি এটার মুখের মতন জবাব দেবো কি তা'—
 ঠেকলো হাত এক বইয়ের উপর, তুলে' দেখি গীতা !

—ওমা ! তুলে' দেখি গীতা ।

লাফিয়ে উঠ্লাম তক্তার উপর 'মাটামভাবে' সোজা ;
 ছটকে পড়লো মাথা থেকে অপমানের বোঝা ।
 এবার যদি নিন্দা কর, কর্ব তাকি জানি—
 অমনি চাঁদের চ'খের সামনে ধরব গীতাখানি ;
 এখন বটে অপমানটা কচ্ছ' মোদের বড় ;
 তবু একবার চন্দ্রবদন, গীতাখানি পড়—

একবার গীতাখানি পড় ।

সকাল বেলায় আপিস্ গিয়ে গাধার মত খাটি,
 নিত্য নিত্য প্রভুর রাঙা পা হু'খানি চাটি ;

হাসির গান

বাড়ি ফিরে—বন্ধুবর্গ জড় হ'লে খালি,
যাঁদের অম্নে ভরণপোষণ, তাঁদের পাড়ি গালি ;
একা হলে (হায় রে, গলার জোটেও না দড়ি !)
বুঝি বা সে না'ই বুঝি—গীতখানি পড়ি—

আমার গীতখানি পড়ি ।

দেখি যদি গৌরমূর্তির রক্তবর্ণ অঁাখি,
অমনি প্রাণের ভয়ে 'ওগো বাবা' ব'লে ডাকি ;
পালাই ছুটে উর্দ্ধশ্বাসে, যেন বাঘে খেলে !
চাদর এবং পরিবারে সমভাবে ফেলে' ;
পিতৃপুণ্যে পৌঁছে বাড়ী, ঘরে দিয়া চাবি,
মালা জপি এবং আমার গীতার কথা ভাবি ।

—আমার গীতার কথা ভাবি ।

গীতার জোরে স'চ্ছে ঘুঁষি, স'চ্ছে কান্ধুটিটে ;
গীতার জোরে পেটে না খাই, স'য়ে যাচ্ছে পিঠে ;
করি যদি ধাপ্পাবাজি, মিথ্যে মোকদ্দমা,
স'য়ে যাবে,—গীতার পুণ্য আছে অনেক জমা ;
মাঝে মাঝে তুলনার মনে হয় এ হেন,
মুর্গীর কোন্সার চেয়ে আমার গীতাই মিষ্টি যেন—

আমার গীতাই মিষ্টি যেন—

(কোন্সাম্)—গীতার মত নাইক শাস্ত্র, গীতার পুণ্যে বাঁচি—

বেঁচে থাকুক গীতা আমার—গীতার ম'রে আছি ;

—বাবা ! গীতার ম'রে আছি ।

বদলে গেল মতটা

প্রথম যখন ছিলাম কোন ধর্মের অনাসক্ত,
 খ্রীষ্টীয় এক নারীর প্রতি হ'লাম অশুরক্ত ;—
 বিশ্বাস হ'ল খ্রীষ্টধর্মের—ভজতে যাচ্ছি খ্রীষ্টে,—
 এমন সময় দিলেন পিতা পদাঘাত এক পৃষ্ঠে !
 —ছেড়ে দিলাম পথটা, বদলে গেল মতটা,—
 (কোরাস্)—অমন অবস্থায় পড়লে সবারই মত বদলায় ।

চেয়ে দেখলাম—নব্যব্রাহ্ম সম্প্রদায়ে স্পষ্ট,
 চক্ষু বোঁজা ভিন্ন নাইক অথ কোনই কষ্ট ;—
 কাচিং ভগ্নীসহ দীক্ষিত হব উক্ত ধর্মের,—
 এমন সময় বিয়ে হ'য়ে গেল হিন্দু formএ !
 —ছেড়ে দিলাম পথটা বদলে গেল মতটা,
 (কোরাস্)—অমন অবস্থায় পড়লে সবারই মত বদলায় ।

নাস্তিকের এক দলের মধ্যে মিশলাম গিয়ে রঙ্গে ;
 Hume ও Mill ও Herbert Spencer পড়তে লাগলাম সঙ্গে;
 ভেসে যাবো যাবো হচ্ছি Fowl ও Beefএর বণ্ডায়,
 এমন সময় দিলেন ঈশ্বর গুটিকতক কণ্ডায় !
 —ছেড়ে দিলাম পথটা, বদলে গেল মতটা,
 (কোরাস্)—অমন অবস্থায় পড়লে সবারই মত বদলায় ।

ছেড়ে দিলাম Herbert Spencer, Bain ও Millএর চর্চায়,
 ছেড়ে দিলাম Beef ও Fowl—অন্ততঃ নিজের খর্চায় ;

হাসির গান

বুঝছি বস্তু ঘোষের কাছে হিন্দুধর্মের অর্থে,—
এমন সময় পড়ে' গেলাম Theosophyর গর্তে !
—ছেড়ে দিলাম পথটা, বদলে গেল মতটা,
(কোরাস্)—অমন অবস্থায় পড়লে সবারই মত বদলায় ।

সে ধর্মটার ঈশ্বর হচ্ছেন ভূত কি পরব্রহ্ম,
এইটে কর্ব কর্ব রকম কচ্চি বোধগম্য ;
মিশিয়েও এনেছি প্রায় 'এনি' ও বেদান্ত,
এমন সময় হ'য়ে গেল ভবলীলা সাক্ষ !
—ছেড়ে দিলাম পথটা, বদলে গেল মতটা,
—অমন অবস্থায় পড়লে সবারই মত বদলায় ।

নন্দলাল

নন্দলাল ত একদা একটা করিল ভীষণ পণ—
স্বদেশের তরে, যা' ক'রেই হোক, রাখিবেই সে জীবন ।
সকলে বলিল 'আ-হা-হা কর কি, কর কি, নন্দলাল ?'
নন্দ বলিল 'বসিয়া বসিয়া রহিব কি চিরকাল ?'
আমি না করিলে, কে করিবে আর উদ্ধার এই দেশ ?'
তখন সকলে বলিল—বাহবা বাহবা বাহবা বেশ !

নন্দর ভাই কলেরায় মরে, দেখিবে তাহারে কেবা !
সকলে বলিল 'যাওনা নন্দ, করনা ভা'য়ের সেবা' !
নন্দ বলিল 'ভায়ের জন্ত জীবনটা যদি দিই—'
না হয় দিলাম—কিন্তু অভাগা দেশের হইবে কি ?

হাসির গান

বাঁচাটা আমার অতি দরকার, ভেবে দেখি চারিদিক',
তখন সকলে বলিল—হাঁ হাঁ হাঁ তা বটে, তা বটে, ঠিক !

নন্দ একদা হঠাৎ একটা কাগজ করিল বাহির ;
গালি দিয়া সবে গড়ে পড়ে বিছা করিল জাহির ;
পড়িল ধন্য দেশের জন্ত নন্দ খাটিয়া খুন ;
লেখে যত তার দ্বিগুণ ঘুমায়, খায় তার দশগুণ !—
খাইতে ধরিল লুচি ও ছোকা ও সন্দেশ খাল খাল ;
তখন সকলে বলিল—বাহবা বাহবা নন্দলাল !

নন্দ একদা কাগজেতে এক সাহেবকে দেয় গালি ;
সাহেব আসিয়া গলাটা তাহার টিপিয়া ধরিল খালি ;
নন্দ বলিল, 'আ-হা-হা । কর কি, কর কি, ছাড়না ছাই,
কি হবে দেশের, গলাটিপুনিতে আমি যদি মারা যাই ?
বল ক'বিঘৎ নাকে ধৎ, যা বল করিব তাহা' ;
তখন সকলে বলিল—বাহবা বাহবা বাহবা বাহা !

নন্দ বাড়ীর হ'ত না বাহির, কোথা কি ঘটে কি জানি ;
চড়িত না গাড়ী, কি জানি কখন উল্টায় গাড়ী থানি ;
নৌকা ফি সন ডুবিলে ভীষণ, রেল 'কমিশন' হয় ;
হাঁটিতে সর্প কুকুর আর গাড়ী-চাপা-পড়া ভয় ;
তাই শুয়ে শুয়ে, কষ্টে বাঁচিয়ে রহিল নন্দলাল ।
সকলে বলিল—ভালারে নন্দ, বেঁচে থাক্ চিরকাল !

ল'য়ে ভিক্ষার ঝুলি, নির্ভয়ে তুলি

(ওগো) ধর্মের নামে চাঁদা গো ।

দেয় হরিণাম শুনে টাকা হাতে গুণে,

(আছে) এখনও বহুত গাধা গো !

তবে মিছে কেন গোল, বল হরিবোল,

(আর) রবেনাক ভব ভাবনা ।

দেখ হরির কুপায় দশজনে খায়,

(তবে) আমরাই কেন খাব না !

কবি

আমি একটা উচ্চ কবি, এমনই ধারা উচ্চ,—

শেলি, ভিক্টর-হিউগো, মাইকেল আমার কাছে তুচ্ছ

আমি নিশ্চয় কোনরূপে স্বর্গ থেকে চস্কে

পড়েছি এ বঙ্গভূমে বিধাতার হাত ফসকে !

(কোরাস্)—মর্ত্যভূমে অবতীর্ণ 'কুইলের' কলম হস্তে,

কৈ তুমি হে মহাপ্রভু ?—নমস্তে নমস্তে !

আমি লিখ্ছি যে সব কাব্য মানব জাতির জন্তে,

নিজেই বুঝিনা তার অর্থ, বুঝ্বে কি তা' অন্তে !

আমি যা লিখেছি এবং আজকাল যা সব লিখ্ছি ;

সে সব থেকে মাঝে মাঝে আমিই অনেক শিখ্ছি ।

(কোরাস্)—মর্ত্যভূমে ইত্যাদি ।

হালির গান

আমার কাব্যের উপর আছে আমার অসীম ভক্তি ;
আমি ত লিখছিলাম সে সব, লিখছেন বিশ্ব-শক্তি ;
তাইতে আমি লিখে যাচ্ছি কাব্য বস্তা বস্তা,—
পা'বে গুরুদাসের নিকট ওজনদরে সস্তা ।

(কোরাস্)—মর্ত্যভূমে—ইত্যাদি ।

আমি নিশ্চয় এইছি বিশ্বে বোঝাতে এক তত্ত্ব—
(যদিও তার নেইক বড় বেশী নূতনত্ব)
যে, ব্রহ্মাণ্ড এক প্রকাণ্ড অখণ্ড পদার্থ,
—আমি না বোঝালে তাহা ক'জন বুঝতে পার্ত্ত ?

(কোরাস্)—মর্ত্যভূমে—ইত্যাদি ।

এখন বেদব্যাসের বিশ্রাম, অগ্নি বড়ই গ্রীষ্ম,
তোমাদিগের মঙ্গল হউক, ভো ভো ভক্ত শিষ্য !
এখন কর গৃহে গমন নিয়ে আমার কাব্য
আমি আমার তপোবনে এখন একটু ভাবিব ।

(কোরাস্)—মর্ত্যভূমে—ইত্যাদি ।

চণ্ডীচরণ

চণ্ডীচরণ ছিলেন একটি ধর্মশাস্ত্র গ্রন্থকার,
এমনি তিনি হিন্দুধর্মের কর্ত্তেন মর্ম ব্যক্ত ;—
দিনের মত জিনিষ হ'ত রাতের মত অন্ধকার,
জলের মত বিষয় হ'ত ইঁটের মত শক্ত ।

{ কোরাস্ }—সবাই বলে হাঃ হাঃ হাঃ লিখছে বেশ ! হাঃ হাঃ হাঃ !

যা হ'ক্ তোরা নিজের নিজের ঘটিবাটি সামলা !

বাহির কর্তেন বোসে বোসে আরও স্তম্ভ স্তম্ভতার ;

চুলটি চিরে ছুভাগেতে কর্তেন তিনি কর্তেন ।

বুঝ্ত নাক কেউ তা কিছু, এইটেই যে হুঃখ তার—

অস্তুতঃ হোত না কারও মতের পরিবর্তন ।

{ কোরাস্ }—সবাই বলে (ইত্যাদি)

তবু সে ব্যাখ্যায় এ দেশে প'ড়ে গেল টিড্‌টিকার ;

লিখ্তেন তিনি অব্যাহিত অতি চাঁছা গঞ্জে ;

বোঝাতেন যে হাব'টি স্পেস্‌সার, ওয়েবেষ্টার কি বিড্‌ডিকার,—

আছে সবই গীতার একটি অধ্যায়েরই মধ্যে ।

{ কোরাস্ }—সবাই বলে (ইত্যাদি)

রইল না কারো সন্দেহ যে সংসারটা এ ঝক্‌মারি,

যদিও কেউ ছাড়্‌লনাক ব্যবসা কি নক্‌রি ;

সাম্বিক আহার শ্রেষ্ঠ বুঝে ধল্ল' মাংস রক্‌মারি—

'ফাউল বিফ্, ও মটন ছাম্ ইন্ অ্যাডিশন টু' বক্‌রি ।

{ কোরাস্ }—সবাই বলে (ইত্যাদি)

নিজের বিষয় পরকে দিয়ে হ'ল না কেউ ভেক্‌ধারী,

নিজের ক্রীকে সামনে কারো করে না কেউ বিশ্বাস ;

দেখে শুনে চণ্ডীচরণ হ'য়ে শেষে দেক্‌দারী,

ফেলেন তারি জোরে একটা তারি দীর্ঘনিঃশ্বাস !

{ কোরাস্ }—সবাই বলে (ইত্যাদি)

স্ত্রীর উমেদার

যদি জানতে চান আমি ঠিক কি রকম স্ত্রী চাই—
কসাঁ কি কালো কি মাঝারী রং,
লম্বা কি বেঁটে কি ক্ষীণা, পীনা,
দেখতে ঠিক পরী কি দেখতে ঠিক সং ;
শোন—তা'তে আমার আসে যায়নাক অধিক,
চলতে জানে যদি বাঁচিয়ে ক'দিক,
তার ওপর ডাকে আমার সোহাগে—
“পোড়ার-মুখো মিন্‌সে, ও হতভাগা !”

তা'হ'লে হাঃ হাঃ—সে ত সোণার সোহাগা !

কপাল এক রত্তি বা কপাল গড়ের মাঠ,
ক্র পুষ্পধনুঃ কি ক্র যষ্টিবৎ,
নীলাঞ্জনেত্রী কি সে মার্জ্জারাক্ষী—
তা' খুব যায় আসে না, আমার এ মত ।
যদি স্বামীরে কটু সে কয়নাক বেজায়,—
কথায় কথায় পিতৃগৃহে না সে যায়,
তার ওপর ডাকে আমার সোহাগে—
“পোড়ার-মুখো মিন্‌সে, ও হতভাগা !”

তা'হ'লে হাঃ হাঃ—সে ত সোণার সোহাগা !

বিষাধরা হোক কি কাফ্রীবদোষ্টা,
সুদীর্ঘকেশী কি মাঁথায় টাক,
সুপংক্তিদস্তা কি গজেন্দ্রদংষ্ট্রা,
বংশীবৎ নামা কি চাইনীজ্‌ নাক ;

হাসির গান

কেবল—যদি সে করে কম তর্ক ও ক্রন্দন,
তার উপর হয় যদি সূচারু রন্ধন,—
তার ওপর ডাকে আমার সোহাগে—
“পোড়ার-মুখো মিন্‌সে, ও হতভাগা !”

তা'হ'লে হাঃ হাঃ—সে ত সোণার সোহাগা !

গজেন্দ্র-গামী কি ভেকপ্রলম্বী,
গাহে সে মিঠে কি ডাকে সে কাক,
বিদ্যার বাণী কি বিদ্যায় রম্ভা ;
সর্কাক থাক কিংবা নাই সে থাক ;—
যদি রাখে না খোঁজ স্বামী খায় ভাঙ্‌ কি চরস্,
ভাঙার, পুত্রাদি রক্ষায় সরস,—
তার ওপর ডাকে আমার সোহাগে—
“পোড়ার-মুখো মিন্‌সে ও হতভাগা !”

তা'হ'লে হাঃ হাঃ—সে ত সোণার সোহাগা !

বসন কম ছেঁড়ে ও বাসন কম ভাঙ্গে,
গয়না সে কদাচিৎ দুই এক ধান চায়,
খরচপত্র একটু গুছিয়ে করে,
অন্নই ঘুমায় ও অন্নই খায় ;
যদি তার উপর হয় একটু চলনসই গড়ন,
আর যদি হয় একটু বোকাটে ধরণ,—
তার ওপর ডাকে আমার সোহাগে—
“পোড়ার-মুখো মিন্‌সে, ও হতভাগা !”

তা'হ'লে হাঃ হাঃ—সে ত সোণার সোহাগা !

যেমনটি চাই তেমন হয় না

দেখ গাঁথাখুরী এই ব্রহ্মার সৃষ্টি, বিশৃঙ্খলা

বিশ্বময়—না ?

এই যখন চাই রৌদ্র ঠিক তখন হয় বৃষ্টি, আর

যখন চাই বৃষ্টি—তা হয় না ।

আমি চাই অল্পমূল্যে হয় দামী পদার্থ,

চাই পাওনাদারগণ ভুলে স্বীয় স্বার্থ,

হেসে দিলেই হয় সব কৃতকৃতার্থ ;—

তা' যেমনটি চাই তেমন হয় না ।

আমি চাই স্ত্রী হয় রূপে গুণে অগ্রগণ্যা,

অথচ সাত চড় মাল্লেও কথা কয় না ;

চাই বেশীর ভাগ পুত্র ও অল্পর ভাগ কন্যা ;

তা' যেমনটি চাই তেমন হয় না ।

আমি চাই পুত্র-বিবাহে, আনে বয়স্হা-

কন্যাদায়গ্রস্ত টাকার বস্তা,

আর নিজের মেয়ের বিয়ে হ'য়ে যায় সস্তা ;—

তা' যেমনটি চাই তেমন হয় না ।

আমি চাই চির যৌবন, আমার কেমন বাস্তবিক !

তা' যৌবনটি বাঁধা ত হয় না ;

চাই ধনে হই কুবের, আর রূপে হই কার্তিক ;

তা' যেমনটি চাই তেমন হয় না ।

আমি চাই আমার বুদ্ধিটি হয় আরও সূক্ষ্ম,
চাই ভার্যার মেজাজ হয় একটু কম রুক্ষ,
আমি চাই কেবল সুখটি আর চাইনাক দুঃখ ;

তা' যেমনটি চাই তেমন হয় না ।

আমি চাই আমার গুণকীর্তন গায় বিশ্বশুদ্ধ ;—

যেন শিখানো টিয়া কি ময়না ;

চাই ভঙ্গ হয় শক্রগণ যখন হই ক্রুদ্ধ,

তা' যেমনটি চাই তেমন হয় না ।

আমি চাই রেলো সাহেবগণ হ'ন আরো শিষ্ট,

আপিসে মুনিবগণ কথা কন মিষ্ট,

আমি চাই অনেক জিনিষ—কিন্তু হা অদৃষ্ট !—

তা' যেমনটি চাই তেমন হয় না ।

কি করি

দিন বে যায় না, কি করি !

ঘরের হাওয়া যেন বন্ধ হ'য়ে হাঁপিয়ে মরি !

তাস খেলার প্রবল তোড়ে, ছিলামের পর ছিলাম গোড়ে,

পঞ্জার উপর পঞ্জা ওঠে, ছকার উপর ছকা ধরি ;

তবু দিন বে যায় না কি করি !

দাবা খেলি হ'য়ে কাৎ, বাজির উপর বাজিমাৎ,

পাশা খেলে মাজার বাত, চিৎ হ'য়ে নভেল পড়ি ;—

তবু দিন বে যায় না কি করি !

হাসির গান

পরিনন্দা নিয়ে আছি, দলাদলি পেলে নাচি
কাটে যদি দিবা, তাহে কাটেনাক' বিভাবরী ;—

আমার দিন যে যায় না কি করি !

গাঁজা গুলি চরস ভাঙ খেতে হয় স্ততরাং,
কিংবা ত্রাণ্ডী হইলি 'বিয়ার' কিংবা তাড়ী ধাতেশ্বরী ;

নইলে দিন যে যায় না কি করি !

কলে'ন অপদার্থ ব্রহ্মা দিনটাকে কি এত লম্বা—

আর জীবনটাকে এত ছোট যে, দুদিন যেতেই 'বল হরি'

আমার দিন যে যায় না কি করি !

প্রাণাস্ত

প্রাণ রাখিতে সদাই যে প্রাণাস্ত ;

অন্নিতে কে চাইত যদি আগে সেটা জান্ত ।

ভোরে উঠেই ঘুমটি নষ্ট, তার পরেতে যে সব কষ্ট,

বর্ণিতে অক্ষম আমি সে সব বৃত্তান্ত ।

স্নানাদির পর নিত্য নিত্য ক্ষুধায় জ'লে যায় পিত্ত ;

খেতে বস্লে চৰ্কণ কর্তে কর্তে পরিশ্রান্ত ;

যদিই বা খাই যথাসাধ্য, খেলেই যায় ফুরায়ে খাণ্ড ;—

পাস্ত আনতে লবণ ফুরায়, লবণ আস্তে পাস্ত ।

দিনে গা গড়াবামাত্র, বসে মাছি সৰ্ব গাত্র,—

রাত্রে মশার ব্যবহারও অতদ্র নিতান্ত ;

তহুপরি ভার্যার অর্করজনীতে গরনার ফর্দ,—

নাসিকা ডাকা পর্যন্ত নাহি হ'ন ক্ষান্ত ।

কিনিলেই কোনও জ্বা, দাম চাহে যত অসভ্য ;
রাত্তা জুড়ে বোসে আছে পাওনাদার হৃদাস্ত ।
বিহর কলেই পুত্র কণ্ঠা আসে যেন প্রবল বণ্ঠা ;
পড়া'তে আর বিয়ে দিতে হই সৰ্বস্বাস্ত ।

প্রেম বিষয়ক

প্রেমতত্ত্ব

তারেই বলে প্রেম—

যখন থাকে না futureএর চিন্তা, থাকেনাক shame ;—

তারেই বলে প্রেম

যখন বুদ্ধি শুদ্ধি লোপ ;

যখন past allsurgery আর যখন past all hope,
তারে ভিন্ন জীবন ঠেকে যখন ভারি tame ;—

তারেই বলে প্রেম ।

হপুর ঝাতির কিংবা দিন,

ঝড় কি বৃষ্টি রন্ধুরে—when it doesn't care a pin ;

হোক সে কাফ্রী কিংবা ম্যাম,

মুচি, মুদী, মুদকরাস, when it doesn't care a 'damn' ;

Blind কি blad, কি deaf কি dumb, কি

hunch-back কিংবা lame !—

তারেই বলে প্রেম ।

হাঙ্গির গান

রাস্তার সর্প কিংবা ব্যাং,
পাহাড়, বন, বাঘ, কি ভান্নুক,—

when it doesn't care a hang ;

কাজ্জি কি অজ্জার কিংবা ঠিক,
ঠাট্টা হোক কি নিন্দা হোক, when it doesn't care a kick ;
মরি কিংবা বাঁচি, when it is very much the same ;—
তারেই বলে প্রেম ।

প্রণয়ের ইতিহাস ।

প্রথম যখন বিয়ে হ'ল, ভাবলাম বাহা বাহা রে !

কি রকম যে হ'লে গেলাম, বলবো তাহা কাহারে !

—ভাবলাম বাহা বাহা রে !

এমনি হ'ল আমার স্বভাব, যেন বা খাজাখাঁ নবাব ;

নেইক আমার কোনই অভাব ; পোলাও কোন্দা কোপ্তা কাবাব

রোচেনাক আহারে ;—ভাবলাম বাহা বাহা রে !

ভাবলাম গোলাপ ফুলের মতন ফুটে আছে প্রিয়র মুখ,

দূরে থেকে দেখবো শুধু, শুঁকবো শুধু গন্ধ টুকু ;

রাখবো জমা প্রেমের খাতায়, খরচ মোটে করবো না ভায়,

রাখবো তারে মাথায় মাথায়, বুঁজবে নাক অঁধির পাতায় ;—

হারাই পাছে তাহারে ।—ভাবলাম বাহা বাহা রে !

শক্য হ'ত প্রিয়া পাছে কখন ক'রে অভিমান,

উর্কশীর স্তায় পেখম তুলে হাওয়ার সঙ্গে মিশে যান ;

নকল নবিশ প্রেমের পেশায়, হ'য়ে রৈভূম বিভোর নেশায়,
প্রাণের সঙ্গে দিয়ে কে সায়, খাষাজ সঙ্গে বেহাগ মেশায় ;—

মরি মরি আহা রে !—ভাব্লাম বাহা বাহা রে !

দেখলাম পরে চাঁদের করে নেহাইং প্রিয়া তৈরি নন,
বচন-সুধায় যায় না ক্ষুধা, বরং শেষে জ্বালাতন,
যদি একটু দাবা খেলায়, আস্তে দেরি রাত্রির বেলায়,
অমনি তর্ক গুরু চেলায়, পালাই তাঁহার বকুনির ঠেলায়—

পগারে কি পাহাড়ে ।—ভাব্লাম বাহা বাহা রে !

দেখ্লাম পরে প্রিয়ার সঙ্গে হ'লে আরো পরিচয়,
উর্ধ্বশীর ছায় মোটেই প্রিয়ার উড়ে যাবার গতিক নয় ;
বরং শেষে মাথার রতন নেপেট রইলেন আঠার মতন ;
বিফল চেষ্টা বিফল যতন, স্বর্গ হ'তে হ'ল পতন—রচেছিলাম যাহারে ।

—ভাব্লাম বাহা বাহা রে ।

নূতন চাই

পুরাণো হোক, ভালো হাজার,
হায় গো, এমনি কলির বাজার,
মাঝে মাঝে নূতন নূতন নৈলে কারো চলে না ;
নিত্যই পোলাও কোন্দা আহার
বল ভাল লাগে কাহার ?

আমার ত তা' ছদিন পরে গলা দিয়ে গলে না ।

হাসির গান

ছ'চার বর্ষ হ'লে অতীত,
চাষায় জমি রাখে পতিত ;
নইলে সে উর্করা হ'লেও বেশী দিন আর ফলে না ;
নিত্যই যদি কার্য্য না পাই,
প্রাণটা করে হাঁফাই হাঁফাই ;
যদিও ষুমিরে থাকলেও কেউই কিছুই বলে না ।
ক্রমাগত টাঙ্গা খেয়াল,
ডাকে যেন কুকুর শেয়াল ;
প্রত্যহ অঙ্গুরা দেখলেও তাতে আর মন টলে না ;
এক স্ত্রী নিয়ে হ'লে কারবার,
ঝালিয়ে নিতে হয় ছ'চারবার—
বিরহ আহুতি ভিন্ন প্রেমের আগুন জলে না ।

এস, এস বঁধু

এস, এস বঁধু এস ! আধ ফরাসে বোস,
কিনিয়া রেখেছি কলসি দড়ি (তোমার জন্তে হে)
তুমি হাতী নও, ঘোড়া নও,
যে সোয়ার হ'য়ে পিঠে চড়ি ;
তুমি চিড়ে নও বঁধু, তুমি চিড়ে নও,
যে খাই দধি গুড় মেখে (বঁধু হে !)
যদি তোমার নারী না করিত বিধি, তোমা হেন গুণনিধি
চিড়িয়াখানায় দিতাম রেখে !

নয়নে নয়নে রাখি

নয়নে নয়নে রাখি (তাই তারে),
 গা ঢাকা হন অমনি বঁধু, একটু যদি মুদি অঁাখি ।
 একটু যদি ফিরে তাকাই, একটু যদি ঘাড়্ টি বাকাই,
 অমনি ওড়েন উধাও হ'য়ে আমার প্রাণ-পিঞ্জরের পাখী !
 কি জানি কে মন্ত্র দিয়ে কখন বঁধুর ঘাড়ে চড়েন,
 কি জানি অঞ্চলের নিধি অঞ্চল থেকে খ'সে পড়েন ;
 তাই যদি তার হেলায় ফেলায় আস্তে দেরি রাত্রি বেলায়,
 ব'কে ঝ'কে, কেঁদে কেঁটে, কুরুক্ষেত্র ক'রে থাকি ।

সবই মিঠে

আমার প্রিয়ার হাতের সবই মিঠে ।
 তা, রং হোক মিশ্ মিশে বা ফিট্ ফিটে ।
 মিষ্টি—প্রিয়ার হাতের গয়না গুলি, মিষ্টি চুড়ির ঠুনঠুনিটে ;
 যদিও সে, গয়না দিতে অনেক সময় ঘুঘু চরে স্বামীর ভিঁটে' ।
 প্রিয়ার—হাতের কুণো থেকে মিষ্টি তাঁর কনিষ্ঠ অঙ্গুলিতে ;
 আর—সে করম্পর্শে অঙ্গে যেন দিয়ে যার কেউ চিনির ছিটে !
 আহা !—প্রিয়ার হাতের কিল্টিতেও মিষ্টি যেন গিঁটে গিঁটে ;
 আর—প্রিয়ার হাতের চাপড় গুলি, আহা যেন পুলিপিতে !
 আহা ! খেজুর রসের চেয়েও মিষ্টি প্রিয়ার হস্তের কাশুটিটে ।
 মধুর সব চেয়ে তাঁর সন্মার্জনী—আহা যখন পড়ে পিঠে !

আমরা ও তোমরা

আমরা খাটিয়া বহিয়া আনিয়া দেই—

আর তোমরা বসিয়া থাক ।

আমরা ছপুয়ে আপিসে ঘামিয়া মরি—

আর তোমরা নিদ্রা যাও ।

বিপদে আগদে আমরাই প'ড়ে লড়ি,

তোমরা গহনা পত্র ও টাকা কড়ি

অমানিকভাবে গুছিয়ে পাকী চড়ি'—

ক্রত চম্পট দাও ।

সম্পদে ছুটে কোথা হ'তে এসে পড়,

আহা ! যেন কতকাল চেনা ;

তোমরা দোকানী, সেকুরা, পসারী ডাক—

আর আমাদের হয় দেনা ।

সুখেতে সোহাগে গায়েতে পড়িয়া চলি',

—নব কার্তিক আর কি !—আদরে গলি',

“প্রাণবল্লভ, প্রিয়তম, নাথ” বলে'—

কৃতার্থ ক'রে দাও !

তোমরা অবাধে বা খুসি বলিয়া যাও—

ভরে আমরা লুক রই ;

আমরা কহিতে পাছে কি বেকাঁস বলি,

সদা সেই ভরে সারা হই ।

কথার কথার ধরনী ভাসাও কাঁদি'—

আমরা যেন বা কতই না অপরাধী ;

পড়িয়া ষুগল চরণ ধরিয়া কাঁদি,

তবু কিরে নাহি চাও ।

আমরা বেচারী ব্যবসা, চাকরি করি—

আর তোমরা কর গো আয়েস ;

আমরা সদাই মুনিব-বকুনি ধাই—

আর তোমরা ধাও গো পায়ের ।

তথাপি যদি বা তোমাদের মনোমত

কার্য করিয়া না পুরাই মনোরথ,

অবহেলে চ'লে যাও নেড়ে দিয়া নথ,

অথবা মরিতে ধাও ।

আমরা দাড়ির প্রত্যহ অতিবাড়ে

রোজ জ্বালাতন হ'য়ে মরি ;—

তোমরা, সে ভোগ ভুগিতে হয় না, থাক

খাসা বেশ বিছাস করি ।

আমরা ছ'টাকা জোড়ার কাপড় পরি,—

তোমাদের চাই সোনা দশ বিশ ভরি'

বোকাই বারণসী বছর বছরই,

তবু মন উঠে না ও ।

তোমরা ও আমরা

তোমরা হাসিয়া খেলিয়া বেড়াও সুখে,

(ঘরে) আমরা বন্ধ রই ;

তোমরা কিরূপে কাটাও দীর্ঘ বেলা

(তাই) ভাবিয়া অবাক হই ;

আপিসে কাটাও তামাক, গল্প গুজবে,

পরে হুগুগু সাহেবকে ছুঁটো বুঝাবে,

পরে আপনার কাগজপত্র গুছাবে

(শেষে) ক'রে গোটা কত সই ।

ছুধের সরটি, ক্ষীরটি তোমরা খাও,

(আর) মোরা খাই তার দহি ;

যতক্ষণটি তোমরা না বাড়ী ফেরো,

(ঘরে) মোরা উপবাসী রহি ।

তোমরা খাইবে, আমরা বসিয়া রাঁধিব,

না খাইলে দিয়া মাথার দিব্য সাধিব,

তোমরা বকিবে, আমরা বেচারি কাঁদিব,

(তাও) তোমাদের সহে কই ?

তোমরা ছুঁটাকা আনিয়া দিয়াই বাস্—

(যাও) ব'সগে হাত পা ধুয়ে ;

আমরা তা বেশ নেড়ে চেড়ে দেখি, কিছু

(তার) থাকে না ত দিবে ধুয়ে ।

তবু তোমাদের এমন মন্দ স্বভাবই,
তাইতেই চাই দেখানো মিথ্যে নবাবী,
আমাদের নাই কোন বিষয়ের অভাবই

(শুধু) অন্ন বস্ত্র বই ।

তোমরা সহর ঘুরিয়া বেড়াও রা'তে

(তবু) সেটা যেন কিছু নহে ;

আমরা কাহারো সহিত করিলে কথা,

(তাও) তোমাদের নাহি সহে ;

তোমাদের চাই মেজ্, সেজ্, খাস্-কাম্‌রা,

আমরা ধোঁয়ায় রহি না-জ্যাস্ত-না-মরা,

থিয়েটারে, নাচে ঘাইতে তোমরা, আমরা

(বুঝি) সে সময় কেহ নই ।

প্রেমের সুখটি তোমরা লুফিতে চাও,

(তার) যাতনা আমরা সহি ;

পুত্র সাধটি তোমরা করিতে আগে,

(তার) দুঃখ আমরা বহি ;

কালে কর তারে যখন বেড়ায় খেলিয়া,

কাঁদিলেই দাও আমাদের কোলে ফেলিয়া,

ভালিলে ঘুমটি রাত্রে কাঁদিয়া ছেলিয়া—

(তার) বকুনী আমরা সহি ।

চার প্রেম

ঐ যাচ্ছিল সে ঘোষেদের সেই ডোবার ধার দিয়ে,

ঐ অংবগাছগুলোর তলার তলার কাঁকে কলসী নিয়ে ।

ফালির গান

সে এমনি ক'রে চেয়ে গেল শুধু মোরই পানে,
আর আঁখির ঠারে মেরে গেল—ঠিক এ—এই থানে ।
তার রং বড্ডই ফসাঁ, তারে পাব হয় না ভরসা,
তার জন্তে যে কচ্ছে রে মোর প্রাণ আনচান ।

ও, পরণে তার ডুরে মাড়ি মিহি শান্তিপূরে ;
—ঐ শান্তিপূরে ডুরে রে ভাই, শান্তিপূরে ডুরে ।
তার চক্ষু দু'টি ডাগর ডাগর, যেন পটল-চেরা ;
আর গড়নটি যে—কি বলবো ভাই—সকলকার সেরা ।
তার রং যে বড্ডই ফসাঁ [ইত্যাদি]

ঐ হাতে রে তার ঢাকাই শাঁখা পায়ে বাঁকা মল ;
আর মুখখানি যে একেবারে কচ্ছে ঢল ঢল ।
তার নাকটি যেন বাঁশিপানা কপালটি একরত্তি ;
—এর একটা কথাও মিথ্যে নয় রে—

আগা গোড়া সত্যি—
তার রং যে বড্ডই ফসাঁ [ইত্যাদি]

তার এলো চুলের কিবে বাহার—আর বলবো কিরে ;
—তার হেঁটুর নীচে পড়েছিল—মিথ্যে বলিনি রে ;
মুই মিথ্যে কইবার নোক নইরে—করিনিও ভুল ;
ও তার হেঁটুর নীচে চুল, ও রে তার হেঁটুর নীচে চুল ।
তার রং যে বড্ডই ফসাঁ [ইত্যাদি]

তার মুখের হাঁ যে ভারি ছোট, গোল-গোল যে তার চং ;
 আর কি বলবো মুই ওরে লেতাই কিবে যে তার রং !
 সে এমনি ক'রে চেয়ে গেল, ক'রে মন চুরি,
 আর ঠিক এই জায়গায় মেরে গেল নয়ানের ছুরি !
 তার রং যে বড্ডই ফর্সা [ইত্যাদি]

বুড়ো-বুড়ী

বুড়োবুড়ী হু'জনাতে মনের মিলে স্মৃথে থাকত ।
 বুড়ী ছিল পরম বৈষ্ণব, বুড়ো ছিল ভারি শাক্ত ।
 হ'ত যখন ঝগড়া ঝাঁটি, হ'ত প্রায়ই লাঠালাঠি ;
 ব্যাপার দেখে ছুটোছুটি পাড়ার লোকে পুলিশ ডাকত ।
 হঠাৎ একদিন 'ছত্তোর' ব'লে কোথা বুড়ো গেল চ'লে,
 বুড়ী তখন বুড়োর জন্তে কল্লে চক্ষু লবণাক্ত ।
 শেষে বছর খানেক পরে বুড়ো ফিরে এল ঘরে,
 বুড়ী তখন রেঁধেবেড়ে তাকে ভারি খুসি রাখত ।
 ঝগড়া ঝাঁটি গেল খেমে, মনের মিলে গভীর প্রেমে,
 বুড়ী দিত দাঁতে মিশি, বুড়ো গায়ে সাবান মাখত ।

তুমি বুঝি মনে ভাব

তোমার ভালবাসি ব'লে তুমি বুঝি মনে ভাব,
 যে, তোমার চন্দ্রমুখখানি না দেখিলে ম'রে যাব ?
 যুধু চরবে আমার বাড়ী, উননে উঠবে না হাঁড়ি ;
 বৈষ্ণোতে পাবে না নাড়ী, এমনি, অস্তিম দশায় থাকি থাক ।

হালির গান

এখানে ইস্তাফা ডবে, যা হবার তা হ'য়ে গেল ;
তুমি যদি আমার ভাল না বাস ত ব'য়ে গেল ।
ডাকলে তোমার পাইনে সাড়া, নেই কি কেউ আর
তোমা ছাড়া ?

এই গৌফ্ জোড়াতে দিলে চাড়া তোমার মত অনেক পাব

বিরহ-তত্ত্ব

বিরহ জিনিসটা কি !

নাই রে নাই রে আর বুঝিতে বাকি !

যখন দাঁড়ায় আসি' রামকান্ত তৃত্য
বাজার ধরচ ফর্দ করি' দীর্ঘ নিত্য,
রজক আসিয়া বলে কাপড় গুণিয়া লও—
তখন কাতরভাবে তোমারে ডাকি ।

যখন ঠাকুর বলে আরও তেল চাই—

—যদিও রন্ধনের তারতম্য তাতেও বড় হয় না ;

ছ' সের করিয়া আলু রোজই ফুরায়,
তখন, বিরহবেদনা আর সন্ন না সন্ন না ;
বুঝি রে তখন তব কি গুণে বকুনি সহি,
ভুলিয়ে পৃষ্ঠের আশা বিরহ-অনলে দহি,
ভাবিরে তখন তোমার আসিতে চিঠি লিখি,
পরে না হয় হবে যা এ কপালে থাকে ।

বিরহ-যাপন

তোমারই বিরহে সইরে দিবানিশি কত সই—
 এখন, ক্ষুধা পেলেই খাই শুধু (আর) ঘুম পেলেই ঘুমই ।
 কি বলবো আর--পরিত্যাগ (এখন)—একেবারে চিড়ে দই—
 —রোচেনাক মুখে কিছু পাঁটার ঝোল আর লুচি বৈ ।
 এখন সকালবেলা উঠে তাই, হতাশভাবে সন্দেশ খাই,
 কতু ছ'খান সরপুরি—আর ছুঁথের কথা করে কই !
 ছুঁথের বারিধির আমার কোন মতেই পাইনে থৈ—
 —আবার বিরহে বুঝি (আমার) ক্ষুধা জেগে ওঠে ঐ !
 (এখন) বিকেলটাও যদি হয় সর্ব্বৎ খেয়ে কেটে যায়,
 সন্ধ্যায় একটু ছইন্ডি ভিন্ন প্রাণটা আর বাঁচে কৈ ।
 কে যেন সদাই এ প্রাণের পাকা ধানে দিচ্ছে মৈ—
 (তাই) রাতে ছ' চার এয়ার ডেকে (এ দারুণ)
 বিরহের বোঝা বই ।

(এখন) ভাবি' ও বিধুবয়ানে ঘুম আসে না নয়ানে,
 কোন্ রাত্তির আর মধ্যাহ্নে ভিন্ন চক্ৰিশ ঘণ্টাই জেগে রই ;
 বিরহেতে দিন দিন ওজনেতে বেশী হই ;—
 এতদিনে বুঝ্লেম প্রিয়ে (আমি) তোমা বই আর কারো নই ।

চাষার বিরহ

তোরে না হেরে মোর, আনন্দ হ্রস্ব দিনে, গড়ে,
 বার পঁচিশ চাঁদ-পারা ঐ মুখখানি তোর মনে পড়ে ।

হাসির গান

যেখন মুই উঠি ভোরে—

পূবে চাই পচ্চিমে চাই কোথাও দেখিনে তোরে,

তেখন প্রাণ কেঁদে ওঠে ভেউ ভেউ ক'রে ।

বলতে কি—তেখন রে মোর জানটা আর থাকে না ধড়ে ।

যেখন গো বেলা হকুর ;

বেভুল হয়ে দেখছি যেন তোরে আর সেই পানা পুকুর ;

পরে ছাখি শুয়ে শুধু কেলো কুকুর ;

তেখন মোর ডুকরে ডুকরে পরাণটা যে কেমন করে ।

বিকলে নেশার ঝোঁকে,—

মনে হয় আঁবগাছতলায় যেন পরাণ দেখছি তোকে,

পরে আর, দেখতি পাইনে সাদা চোকে ;—

তেখন মোর গলার কাছটায় কি যেন রে এঁটো ধরে ।

রাস্তিরে ঘুমের ঘোরে,—

স্বপ্নে মুই ছাখি তোরে, তার পরে ঘুম ভেঙ্গে, ওরে—

উঠে ফের পড়ি মেঝের ধড়াসু ক'রে ;

কলাগাছ পড়ে যেমন চৈস্তির কি আশ্বিনের ঝড়ে ।

বটে তুই থাকিসু দূরে,—

থাকনা তুই পাবনা জেলার আর মুই থাকি হাজিপুরে,

তবু জান উজানু চলে কিরে ঘুরে,—

যেথাই র'সু তোরই অন্তে মোরি মাথার টনক নড়ে ।

অনুতাপ

এখন তাহারে আমি পেলো যে কি করি ?
হাসি কিংবা কাঁদি কিংবা হাতে কিংবা পায়ে ধরি ?
ঘরেতে দরোজা দিয়ে বুঝি তারে বলি “প্রিয়ে,
যা হবার তা হ’য়ে গেছে, এই নাকে খৎ প্রাণেশ্বরী,
এমন কর্ম্ম আর করো না, এই নাকে খৎ প্রাণেশ্বরী !”
বাঁধি দিয়ে বাছ ছুটি (যদুর আঁকড়ে পেয়ে উঠি,)
বলি “এই নেও সামনে তোমার, পাঁটা খেতে খেতে মরি,
চাও শু প্রায়শ্চিত্তছলে, এই পাঁটা খেতে খেতে মরি ।”

তোমারি তুলনা তুমি

তোমারি তুলনা তুমি চাঁদ, অকর্ম্মার ধাড়ি ।
যেমনি অঙ্গের কালোবরণ,
তেমনি কালো মুখে কালো দাড়ি ।
যেমনি দেহখানি স্থল, বুদ্ধি তারি সমতুল ।
আবার যেমন বুদ্ধি তেমনি বিদ্যে—
যেমন গরু টানে গরুর গাড়ি ।

নুতন প্রেম

প্রেমটা ভারি মজার ব্যাপার প্রেমিক মজার জিনিস ।
ও সে জানোয়ারটা হাতায় পেলো, আমি ত একটা কিনি,
বোধ হয় তুইও একটা কিনিস্ ।

জানির গান

প্রথম মিলনেরি চূষনেতে স্বীকৃষ্টে করা ;
আর হাতে স্বর্গপ্রাপ্তি তারে বক্ষেতে ধরা ;—
—দেখে ধরারে সরা (মরি হায় রে হায়)
ওরে ভাবিস্ কিরে এমনি গো তার থাকবে চিরদিন ! ঈস্ !
কত “ভালবাসো” ? “ভালবাসি” । “বাসো—
কতখানি” ?
কত ছাই ভস্ম, মাথামুণ্ডু, কতই না জানি ;
মিঠে মিঠে মুহু বাণী (মরি হায়রে হায়) ।
এই রকম হ’লে তারে নূতন প্রেমিক ব’লে চিনিস্ !
প্রথম বিরহেতে অনিদ্রা, আর ওহো ! হা ছতাশ !
আর—আহা উহু হুঁ হুঁ—যেন হ’ল যক্ষ্মাকাশ ;
ঘন ঘন দীর্ঘশ্বাস (মরি হায়রে হায়)
শেষে বিরহেতেই হাঁপ ছেড়ে প্রাণ বাঁচবে তা দেখে নিস্ !
কত “জীবনবল্লভ” “নাথ” “প্রভু” “প্রাণেশ্বর” ;
কত “প্রিয়তমে” “প্রাণেশ্বরি” তাহারি উত্তর ;—
লেখালেখি নিরন্তর (মরি হায়রে হায়)
এই প্রিয় সম্বোধন সব শেষে “ওগো শোন”য়ে ফিনিশ্ ।

৩। প্রাকৃতিক বসন্ত বর্ণনা

দেখ্ সখি দেখ্ চেয়ে দেখ্ বুঝি শিশির হইল অস্ত ।
বুঝিবা এবার টেঁকা হবে তার সখিরে এল বসন্ত ।

বহিছে মলয় আকুলি বিকুলি,
রাস্তায় তাই উড়ে যত ধুলি ।

—এ সময় আহা বিরহিণীগুলি কেমনে রবে জীবন্ত ।

ঝর ঝর ঝর কুলু কুলু কুলু বহে যাম সব গায়ে,
ভন্ডনে মাছি দিনের বেলায়, শম্ভনে মশা রায়ে ;
ডাকিছে কোকিল কুহ কুহ কুহ, গুঞ্জরে অলি মুহ মুহ মুহ,
বাঁচিনে বাঁচিনে উহ উহ উহ হি হি হু হু হা হা হুহ ।
পতি কাছে নাই, পতি বিনা আর কে আছে নারীর সকল,
কাঁচা আঁব ছুটো পেড়ে আন্ সখি গুড় দিয়ে রাঁধি অমল ।
হেরি যে বিশ্ব শূন্যময়, নে খেয়ে নিয়ে শুই বিরহশয়নে,
পড়িগে অর্ধ-মুদিভ-নয়নে গোলেবকাগুলি গ্রন্থ ।

নিয়ে আয় সখি বরফ নহিলে মরি এ মলয়বাতাসে,
নিয়ে আয় পাখা—এলনাক পতি—আজ যে মাসের ২৭এ ;—
নিয়ে আয় পান, তাস্ আন্ ছাই—বিরহের এত জ্বালা
—ম'রে বাই !

দাঁড়াইয়ে কেন হাসিস্ লো ভাই বাহির করিয়ে দস্ত !

বিষুৎবারের বারবেলা

পায় ত জন্মোনা কেউ, বিষুৎবারের বারবেলা ।
জন্মাও ত সাম্ভাতে পাবে'নাক তার ঠেলা ।
দেখ, বিষুৎবারের বারবেলায় আমার জন্ম হইল ;
তাই দিল মোরে, কালো ক'রে, রোদে ধ'রে

মাখিয়ে মাখিয়ে তৈল ।

হাসির গান

দেখে মা কালো ছেলে, দিল ঠেলে, দিলনাক মায়ের দুধ,
ক'রে দিল শরীর সরু, বুদ্ধি গরু, খাইয়ে খাইয়ে গা'য়ের দুধ ।
পরে, মিলে আমার আটটা মামায়—বাবার সেই আট শালায়,
হ'তে না হ'তে বড়, দিয়ে চড় পাঠিয়ে দিল পাঠশালায় ।
দেখে মোর গুরুমশাই (যেন কশাই) বিদেয় খাটো শর্মায়ে,
ক'রে দিল সেই ফাঁকে শরীরটাকে পিটিয়ে পিটিয়ে লম্বা রে ।
বাবা, আমি উঁচুদিকেই বাড়াছি দেখে স্কুলে থেকে ছাড়িয়ে নিল ;
দিল মোর চাকরি ক'রে, তারাও মোরে ছ'দিন পরে তাড়িয়ে দিল ।
দেখে মোরে চাকরিশূত্র, বাবা ক্ষুধ, বিয়ে দিতে নিয়ে ঘরে গেল,
দেখে মোর শরীর লম্বা, বুদ্ধি রস্তা, ক'নের দরও চ'ড়ে গেল ।
হায় গো ! বিধি ছুঁই সবায় তুঁই, রুঁই কেবল আমার বেলা,
সে কেবল ফেল্লাম ব'লে জ'ন্মে ভুলে

বিষ্ময়বাদের বারবেলা ।

বিলেত

বিলেত দেশটা মাটির, সেটা সোণার রূপোর নয় ;
তার আকাশেতে সূর্য্য উঠে, মেঘে বৃষ্টি হয় ;
তার পাহাড়গুলো পাথরের, আর গাছেতে ফুল ফোটে ;—
—তোমরা বোধ হয় বিশ্বাস এটা কচ্ছ'নাক মোটে ;
কিন্তু এসব সত্যি, এসব সত্যি, এসব সত্যি কথা ভাই,
তোমরাও যদি দেখতে, তা'লে তোমরাও ব'লতে ভাই ।
সেখা পুঁটিমাছে বিয়োগ নাক টিয়াপাখীর ছা" ;
আর চতুস্পদ সব জন্তুগুলোর চারটে চারটে পা ;

হাসির গান

তাদের লেজগুলো সম্মুখে নয়, আর মাথাও নয়কো পিছে ;
—তোমরা অবাক হ'চ্ছ, বোধ হয় ভাব্ছো এ সব মিছে ;
কিন্তু এ সব সত্যি এ সব সত্যি, এ সব সত্যি কথা ভাই,
তোমরাও যদি দেখতে, তা'লে তোমরাও ব'লতে তাই ।
সেথা পুরুষগুলো সব পুরুষ, আর ঐ মেয়েগুলো সব মেয়ে ;
আর জ্ঞান বড়ো কচি, কেউ না বাঁচে হাওয়া খেয়ে ;
তাদের মাথাগুলো সব উপর দিকে, পা-গুলো সব নীচে ;
—তোমরা মুচ্ কি হাস্চ বোধ হয় ভাব্চ এ সব মিছে ;
কিন্তু সব সত্যি, সব সত্যি, সব সত্যি কথা ভাই,
তোমরাও যদি দেখতে, তা'লে তোমরাও ব'লতে তাই ।
সেথা বসনভূষণ কন্মতি হ'লে স্বামীকে স্ত্রী বকে ;
আর নৃতনেই প্রেম মিঠে থাকে, 'বাসি' হ'লেই টকে ;
আর আমোদ হ'লে হাসে তারা দস্ত ক'রে বাহির ;
—তোমরা ভাব্ছো কচ্ছি আমি মিথ্যে কথা জাহির ;
কিন্তু এ সব সত্যি, সব সত্যি, সব সত্যি কথা ভাই,
তোমরাও যদি দেখতে, তা'লে তোমরাও ব'লতে তাই ।
তবে কিনা, দেশটা বিলেত, এবং জাতটা বিলিতি ;
কাজেই,—একটু সাবেবী রকম তাদের রীতি নীতি ।
আর ঐ করে শুধু সাদা হাতে চুরি ডাকাতি সে ;
আর স্বামী স্ত্রীতে ঝগড়া করে বিগুদ্ব ইংলিশে ;—
এই তফাৎ, এই তফাৎ, এই তফাৎ মাত্র, ভাই,
আর আমাদের সঙ্গে তাদের বিশেষ তফাৎ নাই ।

বর্ষা

ঝুটি পড়িতেছে টুপ্ টাপ্ ;
বাতাসে পাতা ঝরে বুপ্ ঝাপ্ ;
প্রবল ঝড় বহে—আম্র কাঁটাল সব—
পড়িছে চারিদিকে ধুপ্ ধাপ্ ।

বজ্র কড়কড় হাঁকে ;
গিন্নী শুয়ে বোমাকে
“কাপড় তোন্ বড়ি তোন্” ঘন হাঁকে ;
অমনি ছাদের উপর ছপ্, দাপ্ ।

আকাশ ঘেরিয়াছে মেঘে,
জ'লো হওয়া বহে বেগে,
ছেলেরা বেরোতে না পেয়ে, রেগে,
ঘরের ভিতরে করে ছপ্ ছাপ্ ।

ছুটিল “একি হ'ল” ভাবি',
উর্কলাঙ্গুল গাভী ;
এ সময় মুড়ি দিয়ে রেকাবী রেকাবী
কুলুরি খেতে হর কুপ্ কাপ্ ।

ঝুটি নামিল তোড়ে ;
রাস্তা কদমে পোরে ;
ছত্র মস্তকে রাস্তার মোড়ে
পিছলে পড়ে সবে ছপ্ টাপ্ ।

ভিজেছে নিরুর্ম শাখী,
শালিক ফিঙে টিয়া পাখী
আমি কি করি ভেবে না পেয়ে, একাকী—
ঘরেতে ব'সে আছি চূপ, চাপ।

কোকিল

আছে একটা ভারি কাল পাখী,
ও তার আছে দুটো কাল পাখা।
কবির। তারে কোকিল বলে,
আর ফাগুন চৈতে তার কু-অভ্যাস ডাকা।
তার ডাক শুনে প্রাণ 'হা ছতাশ' করে,
বিরহিণীরা সব আছড়ে পড়ে ;
'প্রাণকান্ত' বিনে সে পাখীর স্বরে,
তাদের জীবনটা ঠেকে (কেমন) ফাঁকা ফাঁকা।
ও সে পাখী বড় সর্ব্বনেশে,
জোল বাধায় ফাগুন চৈতে এসে ;
ভাগ্গিস্ নম্ব সে পাখী বারোমেসে,
নৈলে মুঞ্চিল হ'তো বেঁচে থাকা।

শেয়াল

ছিল একটি শেয়াল—
তার বাপ দিচ্ছিল দেয়াল।

হাসির গান

আর সে নিজে ব'সে বেড়ে, টাকা কড়ির চিন্তা ছেড়ে—

গাচ্ছিল (উচু দিকে মুখ ক'রে)—এই পুরবীর খেয়াল ।

[তান] ক্যা ছয়া, ক্যা ছয়া, ক্যা ছয়া ছয়া ছয়া, ক্যা ছয়া,

ক্যা ক্যা ক্যা—

শালিক পাখী

আমি একটা শালিক পাখী—

(আমার) কাজ কর্ম সবই চালাকি ;

বেড়িয়ে বেড়াই চালে চালে,

(আর) গান গাই মুদিয়ে আঁধি ।

পাপিয়া গায় “পিউ” গানে ;

কোকিল জানে “কুহু” তানে ;

চাতক শ্রেফ “ফটিক জল” জানে ;

(আমি) কত হরেক রকম ডাকি ।

ধ্রুপদ খেয়াল জানা আছে,

ঢালা সবই একই ছাঁচে ;

আমার মধুর গানের কাছে

(ওরে) টপ্পা কীর্তন লাগে নাকি ?

বাজায় বীণা যত মুখ ;

বেগুর স্বরটা নেহাৎ রুফ ;

(বুঝলে না কেউ এইটেই হুঃখ !)

(হয় রে) পৃথিবীময় কেবল ফাঁকি ।

হ'য়ে পাকে কৃতবিষ্ঠ,
কল্লেন শেষে ব্রহ্মা বৃদ্ধ
কোকিল বেণু টপ্পা সিদ্ধ,—
(তবে) হ'ল শালিক নিয়ে ছাঁকি' ।
[তান] ঘুনি কটকট কচ্ কচ্ কিচিমিচি
কক্যে কক্যে ড্যাপ ড্যাপ্ প্রিং প্রিং—

৪ । দাশ'নিক

জগৎ

ভূচর খেচর এবং জলচর,
দেব দৈত্য গন্ধর্ব্ব কিম্বর,
ইন্দ্র চন্দ্র বায়ু অগ্নি ব্রহ্মা বিষ্ণু মহেশ্বর ;—
মাতগ কুরগ পন্নগ উরগ ভূজগ পতগ বিহগ তুরগ,
ভূত প্রেত ব্রহ্মদৈত্য যক্ষ রক্ষ পিশাচ নর ;—
যে আছে যেখানে, তুলে দুটি কাণে, শোন এই গানে,
কিস্ত তার মানে, কি হ'ল কে জানে—
ঘোরে জগৎ চরকার সমান, মগ্ন খেলেই সগ্ন প্রমাণ,
এইটে নিয়ে কেন সবাই ভেবে মরে ভয়ঙ্কর ।

পৃথিবী

বাহবা ছনিয়া কি মজাদার রঙিণ ।
দিনের পরে রাস্তির আসে, রেতের পরে দিন ।

হাসির গান

গ্রীষ্মকালে বেজায় গরম, শীতকালেতে ঠাণ্ডা ;
একের পিঠে দুইয়ে বারো, দুই আর একে তিন ।
শিয়াল ডাকে হোয়া হোয়া, আর গরু ডাকে হান্না,
হাতির উপর হাওদা আবার ঘোড়ার উপর জিন ।

সংসার

হায় রে সংসার সবই অসার, বিধির মহাচুক ।
অস্তির চাইতে নাস্তি বেশী, সৃষ্টির চাইতে শূন্য ।
বস্তা বস্তা পাপের মধ্যে কতটুকু পুণ্য ॥
আলোর চাইতে অঁধার বেশী, স্থলের চাইতে সিন্ধু
মহামৃত্যুর মধ্যে জন্ম কতটুকু বিন্দু ॥
সত্যের চাইতে মিথ্যা বেশী, ধর্মের চাইতে তন্দ্র ।
ভক্তির চাইতে কীর্ত্তন বেশী, পূজার চাইতে মন্ত্র ॥
ফুলের চাইতে পত্র বেশী, মণির চাইতে কর্দম ।
স্বপ্ন ক্রান্তির পরেই ভার্য্যার তর্জন গর্জন হৃদম ॥
ব্রহ্মার চাইতে বিষ্ণু বড়,—ব্রহ্মার থলি ফর্সা ।
বিষ্ণুর কাছে কিন্তু আজো রাখি কিঞ্চিৎ ভরসা ॥
ভার্য্যার চাইতে ভর্তা বড়, ভর্তা বাড়ীর কর্তা ।
কিন্তু রন্ধনাদি কার্য্যে ভার্য্যা ভর্তার ভর্তা ॥
শক্তির চাইতে ভক্তি বড়, শক্তের নিজের শক্তি ।
ভক্তের জন্তে শক্তি যোগান মহত্তর ব্যক্তি ॥
পত্নীর চাইতে শ্রালী বড়, যে স্ত্রীর নাইক ভগ্নী ।
সে স্ত্রী পরিত্যক্ত্য ও তার কপালেতে অগ্নি ॥

হাসির গান

বাহুর চাইতে পৃষ্ঠ ভালো, কোথের চাইতে কন্দন ।
দ্বাপ্তের চাইতে অনেক ভালো গলে রক্ত বন্ধন ॥
মুক্তশত্রু বরণ ভাল, নয় তা ভণ্ড মিত্র ।
আসল প্রেমের চেয়ে ভাল কাব্যে প্রেমের চিত্র ॥
গুপ্ত প্রেমের পরিণামে আছেই আছে শাস্তি ।
বিবাহ যে করে মুখ সে যৎপরোনাস্তি ॥
পত্নীর চাইতে কুমীর ভাল—বলে সর্বশাস্ত্রী ।
কুমীর ধল্লৈ ছাড়ে তবু ধল্লৈ ছাড়ে না স্ত্রী ॥

পূর্ণিমা-মিলন

এটা নয় ফলার ভোজের নিমন্ত্রণ ।

শুধু, আছে কিছু জলযোগ আর চায়ের মাত্র আয়োজন ।
সাহিত্যিক সব ছোট বড়, এইখানেতে হ'য়ে জড়,
সবাই, আনন্দে ও ভ্রাতৃত্বাবে কর্তে হবে কালহরণ ।
হোক না, ধনী গরীব বড় ছোট সবার হেথা একাসন ।
হেথায়, রবেনাক ঐতিহাসিক গবেষণার কোন ক্লেশ ;
হেথায়, হবেনাক বক্তৃতা কি যুক্তিশূন্য উপদেশ ;
আমরা, আসিনিক জারিজুরি কর্তে কোন বাহাদুরি,
আমরা, আসিনিক কর্তে বিফল রাষ্ট্রনৈতিক আন্দোলন ;
হেথায়, নাইক করতালির মধ্যে কারো আত্ম-নিবেদন ।
যাদের, আছে কিছু ভায়ের প্রতি, মাতৃভাষার প্রতি টান ;
তাদের কর্তে হবে পরস্পরের প্রীতিদান প্রতিদান ।
হেথায়, অনত্যাচ্চ কলরবে মেলামেশা কর্তে হবে,

হাসির গান

- শুনুন, এটা হচ্ছে সাহিত্যিকী পৌৰ্ণমাসী সম্মিলন,
- দোহাই, ধৰ্মেন না কেউ হ'ল একটু অশুক যা ব্যাকরণ ।

৫ । আহাৰ ও পানীয় বিষয়ক চা

বিভব সম্পদ ধন নাহি চাই, যশ মান চাহি না ;
শুধু বিধি যেন প্রাতে উঠে পাই ভাল এক পেয়ালা চা ।
তার সঙ্গে যদি “টোষ্ট” ডিম্ব থাকে, আপত্তিকর নয় তা ;
শুধু বিধি যেন নাহি যায় ফাঁকে
ওগো, প্রাতে এক পেয়ালা চা ।
শ্ৰাম্পেন ক্লায়েট পোর্ট শ্বেরি আর, খাও যার খুসী যা ;
শুধু কেড়েকুড়ে নিও না আমার
আহা, প্রাতে এক পেয়ালা চা ।
অসার সংসার, কেবা বল কার—দারা স্তত বাপ মা ;
এ অসার জগতে যাহা কিছু সার—
সে, ঐ প্রাতে এক পেয়ালা চা

পান

(সুর মিশ্র—খেমটা)

আ রে খা লে মেরি মিঠি খিলি—
মেরি সাথ বৈঠকে হিঁরা নিরিবিলি ;

হাসির গান

রহা এতদিন জীয়া—তুম্ বেকুফ নেহাইৎ !
ইস্ খিলি নেহী খায়া, ক্যা সরমকা বাৎ !
হুনিয়া পর আ' কর্ তত্ কিয়া কোন কাম ?
আরে ছ্যাঃ ছ্যাঃ ছ্যাঃ ! আরে রাম ! রাম ! রাম !
ইস্মে খোড়িসি গুয়া আওর চুনা খুসুবো ;
কেয়া কৎ, বহৎ কিসিমকা মশেলা হো ।
বে ফয়দা জান, যো ইসি খিলি নেই খায় ;
আরে তু ! তু ! তু ! আরে হায় ! হায় ! হায় !

সন্দেশ

উহ্, সন্দেশ বুঁদে গজা মতিচূর রসকরা সরপুরিয়া ;
উহ্, গড়েছ কি নিধি, দয়াময় বিধি ! কত না বুদ্ধি করিয়া ।
যদি দাও তাহা খালি—আঃ !
মদীর বদনে ঢালিয়া ;—
উহ্, কোথায় লাগে বা কুর্মা কাবাব, কোথাও পোলাউ কালিয়া ;
উহ্, খাই তাহা হ'লে চক্ষু মুদিয়া, চিৎ হইয়া, না নড়িয়া ।
আহা, ক্ষীর হ'ত যদি ভারত জলধি, ছানা হ'ত যদি হিমালয়,
আহা, পারিতাম পিছু ক'রে নিতে কিছু সুবিধা হয়ত মহাশয় ;
অথবা দেখিয়া গুনিয়া
বেড়াতাম গুণ গুনিয়া,
আহা, ময়রা দোকানে মাছি হ'য়ে যদি—কি মজারি হ'ত হুনিয়া ;
আহা, বেজায় বেদম বেমানুম তাহা খাইতাম হ'য়ে 'মরিয়া' ।

হাসির গান

ওহো, না রাখিত বাঁধি' সন্দেশ আদি, সংসারে এই সমুদায়,
ওহো, হ'য়ে মুনি ঋষি, ছুটে কোন্ দিশি, যেতাম হস্ত মহাশয় !
পেলাম না শুধু—হরি হে !

—খাইতে হৃদয় ভরিয়ে ;—

ওহো, না খেতেই যায় ভরিয়ে উদর, সন্দেশ থাকে পড়িয়ে ;
ওহো, মনের বাসনা মনে র'য়ে যায়, চখে ব'হে বায় দরিয়া !

“সালসা খাও”

দেশটা দেখ যাচ্ছে ভ'রে স্নেহ আর নাস্তিকে,
হ'চ্ছে সব তুল্য পাপী, দিচ্ছে কারে শাস্তি কে ;
মান্ছে না কেউ শাস্ত্রগত মিথ্যাও কি সত্যও ;—
ধর্ম যদি রাখতে চাও, প্রত্যুষেতে প্রত্যহ

সালসা খাও ।

ছড়িক্কে খাড়াভাব দেখলে ছর্কৎসরে,
নাইক হবে মাংস আর ধাতু আর মৎস্ত রে ;
পাছনাক কোথা কিছু খাণ্ডনামগন্ধেও,
বাঁচতে চাও ?—বাঁচবে সবে,—নাইক কোন সন্দেহ ;—

সালসা খাও ।

কস্তাদারে বিব্রত যে ক'ছে মেয়ে পক্ষকে,—
সবক হ'ছে বেন খাণ্ড আর ভক্ষকে ;—

হাসির গান

কল্পা বড় দেখলে যবে নিন্দা করে নিদুকে
শূন্য সম দেখবে যবে সংসারে ও সিদ্ধকে,—

সালসা খাও ।

ছাত্রগুলো রঙ্গালয়ে কচ্ছে 'কোকেন' চর্কনাশ,
চর্চা অভিনেত্রী নিয়ে কচ্ছে—যে সে সর্বনাশ !
বিদ্যালয়ে দিচ্ছে ফাঁকি !—কিছু ভেবে পাচ্ছ না,
পুত্র নিয়ে কর্কে যে কি ?—সালসা কেন খাচ্ছ না ?—

সালসা খাও !

সালসা খাও, বসবে হ'য়ে উচ্চ মণিমঞ্চবান্ ;
কিছা হবে পঞ্চানন ও মূর্ত্তি হবে পঞ্চবাণ ;
শত্রু দলে কমবে, শ্রাণীসংখ্যা দলে বাড়বে খুব,
ভাৰ্যাসনে দ্বন্দ্বরণে গাজ্জোরে পারবে খুব ;

সালসা খাও ।

[কোরাস্]—

সালসা খাও, ভয়ী ভাই, বন্ধু, গুরু শিষ্যে,
সালসা খাও, রাত্রিদিবা, বর্ষার কি গ্রীষ্মে,—

সালসা খাও ।

আমরা—ভাঙ খেয়ে হ'য়ে আছি চুর ।

যাচ্ছি চ'লে—সশরীরে—যাচ্ছি চ'লে মধুপুর ।

হাসির গান

শুন্ছি ব'সে নিশিদিন, কানের কাছে বাজছে বীণ ;
খাচ্ছে যত অর্কাটীন—ঐ গাঁজা গুলি 'চরস' ;
সস্তা হোক না, তার চেয়ে ভাঙ—লক্ষগুণে সরস ;
নেশার রাজা সিদ্ধি, যেমন মণির মধ্যে কহিনুর ।

ভাঙ খেয়ে হ'য়ে আছি চুর ।

লিখে গেছেন পুরাণকর্তা 'স্বয়ং ভোলা খেতেন ভাঙ' ;
খেতেন তা, হয় ভোলা, কিংবা পুরাণ-কর্তাই, স্মতরাং ।
জানে শুদ্ধ সিদ্ধিখোর, জেগে জেগে ঘুমের ঘোর ;
বেশী খেলেই নেশায় ভোর ; আর অল্প খেলেই তাহা—
—আর কি—ব'সে হাস্য কর—হাঃহা হাঃহা হাঃহা ;
হোকনা কেন ফকির, ভাবে 'আমি রাজা বাহাদুর' ।

ভাঙ খেয়ে হ'য়ে আছি চুর ।

সুরা

এ জীবনে ভাই একটুকু যদি বিমল আমোদ চাও রে—
তা'লে, মাঝে মাঝে—মাঝে, মন রে আমার, ঢুক ঢুক ঢুক খাও রে ।
এই, ভব মরুভূমে সুরা জলাশয়, ঝড়ে সুরা পাকাবাড়ী ;
আর, মজারূপ বারাগসীতে যাইতে—সুরাই রেলের গাড়ী রে ;
এই, জীবনটা ঘোর মেঘলা এবং গৃহিণীটি ঘোর কালো ;
এই, ভবরূপ ঘোর অন্ধকারে এ সুরাই একটু আলো রে ।
আহা, হৃদিরূপ এই বাস্তু খুলিতে সুরাই একটি চাবি ;
আর, বোতল খুলিলে খুলিবে হৃদয়—তা অবশ্যস্বাবী রে !—

কোন, থাকিবে না ভেদ পাত্ৰাপাত্ৰ, হিতাহিত বোধ—সেটা ;
আর, শিকল ছিঁড়িয়া বেরিয়া পরিবে কামক্রোধ দুই বেটারে ।
তখন, থাকিবে না কোন চক্ষুলাজ্জা, রবে না কারো ওয়াস্তা,
আর, হবে পরিষ্কার সুপ্রশস্ত চুলোয় যাবার রাস্তা রে ;
এই, শোক পরিতাপ মাঝে যদি চাও সে মহানন্দ কিঞ্চিৎ,
তবে, মাঝে মাঝে মন ক'রো রসনারে সুরাসুধারসে সিঞ্চিত,

বাবা ।

(নানাবিধ)

প্রেম-পরিণাম

যে পড়ে প্রেমেরি ফাঁদে,

(একদিন সে জন কাঁদেই কাঁদে)

প্রথমে দু'দিন ভারি হাসি, পরে গস্তীরভাবে কাশি,
শেষে গলে টান লাগে ফাঁসি (রকম) ভারি গোলযোগ বাধে ।
প্রথমে মাথায় তুলে নাচি, পরে ঘেঁষিনাক কাছাকাছি,
শেষে ছেড়ে দেমা কেঁদে বাঁচি (রকম) সোনামণি কালাচাঁদে ।

মন্তব্য

আমি বুঝি সং ?

তোমরা যে সব হাস্ছো দেখে আমার বেজায় নতুন ঢং ।

হাসির গান

ভাবছো আমার টলছে পা ?—মিথ্যে কথা—মোটাই না,—

(শুধু) ফেলছি চরণ নতুন ধরণ, বাহিরে কছি রং বেরং ।

আবোল তাবোল বকছি আমি কি ?

ইচ্ছে ক'রে শুদ্ধভাষা গুছিয়ে বলছি নি,—

ব'সে রৈলাম হ'য়ে গো, (ক'চ্চ মাথা ভোর-ম-ভেঁ ।)

তোমরা ষত হাসছো তত হ'ছি আমি রেগে টং ।

আমি যদি পীঠে তোর ঐ

আমি যদি পীঠে তোর ঐ, লাথি একটা মারিই রাগে ;

—তোর ত আস্পর্কী বড়, পীঠে যে তোর ব্যথা লাগে ?

আমার পায়ে লাগলো সেটা,—কিছুই বুঝি নয়কো বেটা ?

নিজের জালাই নিজে মরিস্, নিজের কথাই ভাবিস্ আগে !

লাথি যদি না খাবি ত' জন্মেছিল কিসের জন্তে ?

আমি যদি না মারি ত', মেরে সেটা যাবে অশ্বে !

আমার লাথি খেয়ে কাঁদা,—শ্রাকামি নয় ? শূয়োর গাধা !

—দেখছি যে তোর পীঠের চামড়া ভ'রে গেছে ছুতোর দাগে !

আমার সেটা অনুগ্রহ—যদি লাথি মেরেই থাকি ;—

লাথি যদি না মার্ত্তাম ত'—না মার্ত্তেও পার্ত্তাম না কি ?

লাথি খেয়ে ওরে চাষা ! বরং রে তোর উচিত হাসা,—

যে তোর কথাও মাঝে মাঝে, তবু আমার মনে জাগে ।

বরং উচিত—আগে আমার পায়ে হাত তোর বুলিয়ে দেওয়া ;

পরে ধীরে ধীরে নিজের পীঠের দাগটা মুছে নেওয়া !

—পরে বলা ভক্তিভরে,—“প্রভু ! অনুগ্রহ ক’রে,
পৃষ্ঠে ত মেরেছো—স্বাধি মারো দেখি পুরোভাগে ।
—দেখি সেটা কেমন লাগে ।”

পরিশিষ্ট

(একাধিক ব্যক্তিদ্বারা গায়)

বেশ ক’রেছো

রাজা । কালিচরণ ক’র্ত্ত বড় বীরস্বেরই বড়াই,
পারিষদবর্গ ।—বুঝি গাঁজায় দিয়ে দম—
রাজা । দেখলে সে দিন আমার সঙ্গে ক’র্ত্তে এল লড়াই ;
পারিষদবর্গ । বেটার আত্মপক্ষা নয় কম ।
রাজা । আমি বললাম তবে রে বেটা, আয় না দেখি তবে রে বেটা ;
—পরে যখন ধ’রে আমায় ক’রে দিল জুতোপেটা ;
দেখলাম, বেটা আমার হাতে মরে বুঝি এবার
যোগাড় ক’রেও তুলেছিলাম ছুই এক ঘা দেবার ।
বেটা ত সে খোঁজ রাখে না,
রাগলে আমার জ্ঞান থাকে না,
কিন্তু রাগটা সামলে গেলাম অনেক কষ্টে সেবার ।
পারিষদবর্গ । বেশ ক’রেছো, বেশ ক’রেছো, নহিলে অন্ততঃ
একটা খুন খারাপি হ’ত, একটা খুন খারাপি হ’ত ।

হাসির গান

রাজা । কেদার বেটা সাধু ব'লে সহরে ঢাক পেটায়,

পারিষদবর্গ । হেঁ হেঁ বেটা আদত চোর ।

রাজা । নিইছিলাম তার হাজার টাকা চাইতে এল সেটায় ;

পারিষদবর্গ । বেটা বোধ হয় গুলিখোর ।

রাজা । আমি বল্লাম তবে রে বেটা, আয় না দেখি তবে রে বেটা ;

কে কে কে তোর টাকা জানে, তো তো তো তোর সাক্ষী কেটা ?

কর না গিয়ে মকদ্দমা—I don't care a feather.

মুখখানি ত চূণটি ক'রে ফিরে গেল কেদার ।

টাকা নিয়ে ক'র্কে সে কি ? টাকাগুলো সব শেষে কি

গাঁজা গুলি খেয়ে, বেটা উড়িয়ে দেবে দেদার ?

পারিষদবর্গ । বেশ ক'রেছো, বেশ ক'রেছো সে টাকা নিশ্চিত,

বেটা সব উড়িয়ে দিত, বেটা সব উড়িয়ে দিত ।

রাজা । নিত্যানন্দ, বিদ্বান্ ব'লে ক'র্কে চায় সে প্রমাণ ;

পারিষদবর্গ । সে কি আবার একটা লোক !

রাজা । ক'র্কে এল তর্ক সে দিন আমার সঙ্গে সমান,

পারিষদবর্গ । বেটা নিরেট আহাম্মক ।

রাজা । আমি বল্লাম তবে রে বেটা, আয় না দেখি তবে রে বেটা,

আমি একটা philosopher, গাধা গুয়র জানিস্ সেটা,

ব'লে ছ'ঘা পীঠে লাঠি বসিয়ে দিলাম চটাং,

লাঠি খেয়ে প'ড়ে গেল বেটা ত চিৎপটাং ।

আমার সঙ্গে সে পারে কি,

তর্কের বেটা ধার ধারে কি,

তখন তর্কে হার মেনে সে পালিয়ে গেল সটাং ।

পারিষদবর্গ। বেশ ক'রেছো, বেশ ক'রেছো, তর্কেতে বস্তুত
সেরা প্রমাণ লাঠির গুঁতো, সেরা প্রমাণ লাঠির গুঁতো।

হ'তে পার্তাম

রাজা। দেখ, হ'তে পার্তাম নিশ্চয় আমি মস্ত একটা বীর—
কিন্তু গোলাগুলির গোলে কেমন মাথা রয়না স্থির ;
আর ঐ বাকুটার গন্ধ কেমন করি না পছন্দ ;
আর সঙ্গীন খাড়া দেখলেই মনে লাগে একটা ধন্দ ;
খোলা তরোয়াল দেখলেই ঠেকে যেন শিরোহীন এ স্বন্দ ;
তাই বাক্যে বীরই হ'য়ে রৈলাম আমি চটে' মটেই ত—
তা নইলে খুব এক বড়—

পারিষদবর্গ। হাঁ তা বটেই ত, তা বটেই ত।

রাজা। * দেখ, হ'তে পার্তাম আমি একটা প্রত্নতত্ত্ববিৎ—
কিন্তু “গবেষণা” শুন্লেই হয় আতঙ্ক উপস্থিত ;
আর দেশটাও বেজায় গরম, আর বিছানাও বেশ নরম,
আর তাও বলি প্রেমসীর সে হাসিটুকু চরম।
আর তাঁকে চর্চা ক'লেও একটু কাজও দেখে বরং।
তাই স্ত্রীতত্ত্ববিৎ হ'য়ে রৈলাম আমি চটে' মটেই ত—
তা নইলে বেশ এক বড়—

পারিষদবর্গ। হাঁ তা বটেই ত, তা বটেই ত।

রাজা। দেখ, হ'তে পার্তাম নিশ্চয় একজন উঁচুদরের কবি—

হাসির গান

কিন্তু লিখতে বসলেই অক্ষরগুলো গরমিল হয় যে সবই,
আর ভাষাটাও, তা ছাড়া, মোটেই বেঁকে না, রঙ্গ খাড়া ;
আর ভাবের মাথায় লাঠি মাল্লেও দেয়নাক সে সাড়া ;
ছাই হাজারই পা ছলোই, গোফে হাজারই দেই চাড়া ;
তাই নীরব কবি হ'য়ে রৈলাম আমি চটে' মটেই ত,—
তা নইলে খুব একটা উঁচু—

পারিষদবর্গ । হাঁ তা বটেই ত, তা বটেই ত ।

রাজা । দেখ, হ'তে পার্তাম রাজনৈতিক বক্তাও অন্ততঃ—
কিন্তু দাঁড়াইলেই হয় স্বরণশক্তি অবাধ্য জীর মত
আর মুখস্থ সব বুলি এমন বেজায় যায় সব ঘুলিয়ে ;
আর স্মযোগ পেয়ে রুখে দাঁড়ায় বিদ্রোহী ভাব গুলি হে ;
তা হাজার কাশি, আদর করি দাড়িতে হাত বুলিয়ে,
তাই রইলাম বৈঠকখানাবক্তা আমি চটে' মটেই ত ;—
তা নইলে খুব এক ভারি—

পারিষদবর্গ । হাঁ তা বটেই ত, তা বটেই ত ।

রাজা । দেখ, ক্ষমতাটা ছিলনাক সামান্য বিশেষ ;
কেবল প্রথম একটা ধাক্কা পেলেই চ'লে যেতাম বেশ ,
হ'তাম পেলে স্মযোগও বুদ্ধি একটা যেও সেও
ওই কেঁট বিষ্টুর মধ্যে একটা হ'তাম নিঃসন্দেহ ;
কিন্তু প্রথম সে ধাক্কাটি আমার দিলেনাক কেহ ;
তা নইলে—বুল্লে কি না,—

পারিষদবর্গ । হাঁ তা বটেই ত, তা বটেই ত ।

জানে না

সকলে । { ছাঃ আর ভালো লাগেনাক প্রত্যহই একঘেয়ে,
মেউ মেউ করা যত সব বাঙ্গালীর মেয়ে ।

উমেশ । না জানে নাচতে, না জানে গাইতে,—

রমেশ । না জানে সৌখীনরকম চক্ষু তুলে চাইতে—

পরেশ । সভ্যরকম হাসতে—

সুরেশ । সভ্যরকম কাশতে—

সকলে । জানে না ;—

উমেশ । বিগ্যবত্তায় একটি একটি হস্তিমূৰ্খ যেন ;

রমেশ । না প'ড়েছে Shakespeare না প'ড়েছে Ganot ;

পরেশ । Hockey Tennis খেলতে,—

সুরেশ । দীর্ঘনিঃখাস ফেলতে—

সকলে । জানে না—

উমেশ । Adam Smithএর political economy জানে না

রমেশ । Malthusএর theory of population মানে না ;

পরেশ । সাড়ী ঘুরিয়ে পরতে—

সুরেশ । Bicycleএ চড়তে—

সকলে । জানে না—

উমেশ । Huxley, Tyndal, Spencer, Millএর ধারণা

ধারেনাক—

রমেশ । Dynamicsএর একটা অঁকও কস্মতে পারেনাক—

হাসির গান

পরেশ । উল বোনা শিখতে—

সুরেশ । নাটক নভেল লিখতে—

সকলে । জানে না ।

ভাবনায়

উমেশ । হাঁ হাঁ মশাই আমরা সবাই প'ড়েছি এক ভাবনায়—

রমেশ । ভেবে দেখলাম আমাদের আর বেঁচে কোনই লাভ নাই ।

পরেশ । মনে ভারি দুঃখ স্ত্রীরা গণ্ডমুখ—

সুরেশ । ইচ্ছা হয় যে দৌড় মারি কটকে কি পাবনায় ।

ধর ধর

ইন্দুমতী । সখি ধর ধর ।

সরোজিনী । কেন কেন সখি এভাব নিরখি, কেন কেন তুমি
এমন কর ?

ইন্দুমতী । বসন্ত আসিল শীত অন্ত করি'—

সরোজিনী । সে যে ছিল ভালো, এ যে যেমে মরি—

ইন্দুমতী । ডাকিছে কোকিল—

সরোজিনী । উড়িতেছে চিল

ডাকে কা কা কাক মধুরস্বর ।

ইন্দুমতী । গুঞ্জরিছে অলি কুসুমের পাশে—

সরোজিনী । আমাদের তাতে ভারি যার আসে !

ইন্দুমতী । বহিছে মলয় ধীরে—

সরোজিনী । মিছে নয়, উড়ে ধূলা তাই প্রবলতর !

ইন্দুমতী । যৌবন জালায় জলি অহর্নিশ,—
 সরোজিনী । যৌবন কি বল পার হ'য়ে ত্রিশ !
 ইন্দুমতী । কি করি কি করি—
 সরোজিনী । আহা মরি মরি !
 ইন্দুমতী । উহ উহ সখি—
 সরোজিনী । না যাও সর ;
 ইন্দুমতী । বল বল সখি কি করিব আমি ?
 সরোজিনী । না ভালো লাগে না তোমার ঞ্চাকামি ।
 ইন্দুমতী । সখি কোথা শ্যাম আমি যে ম'লাম ;—
 সরোজিনী । মর তা একটু সরিয়া মর ।

বরাবরই ব'লে গেছি

বরাবরই ব'লে গেছি ;

যে আহার এবং নিদ্রাই সায়, অগ্র সবি (তদ্ভিন্ন) অগ্র সবই

মিছি মিছি ।

ঠ্যাং ভাঙলে বা হ'লে জখম,

দেখবে সবাই একই রকম ;

ছেড়ে দিলেই বকম বকম, গলা টিপে (দেখবে সব) গলা টিপে

ধ'লে চিঁ চিঁ !

আছে শুধুই উড়ে বেয়ারা, আর ঐ শুধু আছে ঢেঁকি—

যারা শত পদাঘাতে বলে, “আবার মার দেখি” ;

যা হোক যার বা আসে কি কার

এটা ক'ন্তে হবেই স্বীকার

হাসির গান

যাদে'র যতই রুচি বিকার, তাঁরাই তত (আবার সব)

তাঁরাই তত করেন ছি ছি !

পৃথিবীতে অর ও যক্ষা, শূল ও সর্দি, কাশি, হাঁচি,

এরি মধ্যে কায়ক্লেশে কোনরূপে টিঁকে আছি ;

গ্রীষ্মকালে ব'সে ধোঁয়াই ;

শীতকালেতে রদুর পোহাই ;

আর যা বলো রাজি,—দোহাই, হাসির গানটা (কেবল ঐ)

হাসির গানটা ছেড়ে দিছি ।

হাসির গান ত গাইতে বলো—তোমরা ত বেশ হেসে নিলে ;

ক্যাক্ ক'রে কেউ ধ'রলে আমার—দেখ্বে আবার ছেলে পিলে ?

তোমরা হেসে বাড়ী গেলে,

আমি চৈঁচিয়ে চ'ল্লাম জ্বলে,

তোমরা দশজনে কাঁঠাল খেলে আমার গলায় (বেচারী) আমার

গলায় বাধে বীচি ।

I THOROUGHLY AGREE.

রেবেকা । আমি চিরকাল unmarried থাক্তাম যত্বপিও,

সেটা,

চম্পটী । It would have been far preferable,

't would have been much better.

রেবেকা । তোমায় marry করা was an act of great

mistake, for me.

- চম্পটি । In this view of the case, my love !
I thoroughly agree.
- রেবেকা । I thoroughly agree—
- চম্পটি । I thoroughly agree—
- উভয়ে । In this view of the case, my love—
I thoroughly agree.
- রেবেকা । It was a great mistake to marry ধরে
একটা pauper.
- চম্পটি । The more so, O my love ! when you
yourself had not a copper.
- রেবেকা । Tremendous sad mistake, my darling !
very sad, I see.
- চম্পটি । In this view of the case, my love !—
I thoroughly agree.
- রেবেকা । I thoroughly agree—
- চম্পটি । I thoroughly agree—
- উভয়ে । In this view of the case, my love !—
I thoroughly agree.
- রেবেকা । এই loveএর প্রথম stageটাই ভালো,
—whispers, hugs, and kisses
- চম্পটি । The charm is not so great as soon as you
become a Mrs.
- রেবেকা । The case becomes more complicated on
the contrary ;—

হাসির গান

চম্পটী । In this view of the case, my love.—

I thoroughly agree.

রেবেকা । I thoroughly agree—

চম্পটী । I thoroughly agree—

উভয়ে । In this view of the case, my love !—

I thoroughly agree.

রেবেকা । You may give me a thousand kisses,

and be mine for ever ;

চম্পটী । চাই something more substantial

কিন্তু মুখের মধ্যে দেবার ।

রেবেক । You are as wise as Solomon, though not

so rich as he—

চম্পটী । In this view of the case, my love !—

I thoroughly agree.

রেবেক । I thoroughly agree—

চম্পটী । I thoroughly agree—

উভয়ে । In this view of the case, my love !—

I thoroughly agree.

রেবেকা । এই marry ক'রে না হোক কোন অগ্র কার্য সিদ্ধি,

চম্পটী । But annually একটা ক'রে হ'চ্ছে বংশবৃদ্ধি ;

উভয়ে । Whatever difference of opinion

there may be—

In this view of the, my love !—

I thoroughly agree—

য়েবেক। I thoroughly agree—

চম্পটী। I thoroughly agree—

উভয়ে। In this view of the case, my love !—

I thoroughly agree.

চাকরি করা হয়রাণি

সকলে। মোরা সবাই ঠিক ক'রেছি যে চাকরি করা হয়রাণি ।

নাপিতানী। মুই নাপিতানী ।

ধোপানী। মুই ধোপানী ।

মেছুনী। মুই মেছুনী ।

ময়রাণী। মুই ময়রাণী ।

নাপিতানী। মোদের নকরি ক'রে গুজরাণে আর মন উঠে না মই ।

ধোপানী। মোরা চাই, শয়ন ক'রে নয়ন মুদে, বিভোর হ'য়ে রই ।

মেছুনী। নাই কি উপায় চাকরি করা বৈ—

ময়রাণী। বলি খেটে খেতে হইছিল কি তৈরি এ চাঁদ মুখখানি ।

নাপিতানী। হেলিয়ে নয়ন বাঁকা, অবহেলে করি ভুবন জয় ।

ধোপানী। আমরা রাজা আমীর উমীর—কারে করিনাক ভয় ।

মেছুনী। মোদের কিলা চাকরি করা নয় ?

ময়রাণী। এখন, ক'ন্তে হবে সহজ একটা নূতন উপায় আমদানি ।

নাপিতানী। ঐ লো মধুর স্বরে বাজছে বাঁশি, আর কি থাকে যায় ।

ধোপানী। আহা, বিধির ভুলে ঘাপর যুগে জন্ম হইনি হায় ।

হাসির গান

মেছুনী । ওলো, তোরা সব আস্বি যদি আর ।

ময়রাণী । আমরা সব হাসির ঘটায় রূপের ছটায় মাতিয়ে

দেবো রাজধানী ।

এটা এক অভিনব

এটা এক অভিনব নাটিকা ।

ইংরাজি ভাষাতে একে বলে 'প্যারডি'—

জানেন ত' পাঠক ও পাঠিকা ॥

প্যারডিতে প্রহসনে পিষিয়ে,

শুলে নিয়ে, অপেরাতে মিশিয়ে

কটু ও মিষ্টে—

(পরে) যা থাকে অদৃষ্টে—

(কাব্যে) কুনীতির পৃষ্ঠে বাঁটিকা ॥

নাহি যার কৃষ্ণে ভক্তি,

বৈষ্ণব কবিতার মধ্যে দেখি যার

লালসায় শুধু অল্পরক্তি—

এটা তাঁরও মস্তকে ছোটখাট চাঁটিকা ॥

কে রসিক বেরসিক জানি না,

বিষেব নিন্দাও মানি না,

বেরসিক যিনি, তাঁর আছে বেশ অধিকার—

বেশী ভাত খাইবার গিরে নিজ বাটিকা ॥

সে আসে ধেয়ে

সে আসে ধেয়ে এন্ ডি ঘোষের মেয়ে
ধিনিক্ ধিনিক্ ধিনিক্ ধিনিক্—চায়ের গন্ধ পেয়ে ।

সে আসে ধেয়ে—

কুঞ্চিত ঘন কেশে, বোম্বাই শাড়ী বেষে,
খট্ মট্ বুটশোভিতপদ-শব্দিত ম্যাটিনেএ ।
বঞ্চিত নহে, সঞ্চিত কেক বিস্কুট তার প্লেটে ;
অঞ্চল বাঁধা ব্রোচে, রুমালেতে মুখ মোছে,
জ্বাকুসুমের গন্ধ ছুটিছে ড্রয়িং রুম্টি ছেয়ে ।

জাগ জাগরে নেপাল

জাগ জাগরে নেপাল, জাগ জাগরে ঘনাই ।

প্রাণের সাথী আয় গোঠে বাই—

এষে—প্রায় সাতটা বেলা হোলো ভাই ।

কোথায় মা আনন্দরাণী !

ধুয়ে দে ওর মুখখানি,

ও তোর সোনার চাঁদের চাঁদমুখে

(একটু) চা তৈরি করে' দে না গো !

সঙ্গে সঙ্গে আমরাও খেয়ে বাই গো

সে না থাক্, আমরা খাই ।

হেলে ছলে গোঠে

হেলে ছলে গোঠে চল গোঠবিহারী !
অঞ্চল খলখল অঙ্গে বিধারি' ।
বঙ্কিম ঠাম, শিরে কালো ছাতি শোভয়ে,
সুন্দর কালাপেড়ে কটি হাঁটু বেড়য়ে,
হট মট খটমট খট খট খটমট
বুট পরি' মৃহ্মৃহ লক্ষ দেওয়ত—
ধীরে পাশে চায় ধায় ভক্ত হুধারি ।

আমরা সবাই পড়ি

আমরা সবাই পড়ি প্রেমের পাঠশালায় ।
—পাঠশালায় পাঠশালায় পাঠশালায় ।
পড়ি প্রেমের প্রথম ভাগ, প্রেমের খাতায় পাড়ি দাগ,
ক র খ ল অর্থাৎ এটা যখন প্রেমের পূর্বরাপ ;
নভেল পড়ি, তুলি হাই, তুড়ি দেই, সর্ব্বৎ খাই ;
প্রাণ করে আই চাই, ভক্তি হ'য়ে নাটশালায় ।
দ্বিতীয় ভাগে এখানেতেও যুক্তাকরই লিখতে হয়,
ঐক্য ও অনৈক্য ভোগ্য কর্মভোগ্য লিখতে হয়,—
বেতাল গাইতে হয়, আশে পাশে চাইতে হয়,
পাটিতে বাইতে হয়, আটশালী ও আটশালায় ।

আমি নিশিদিন তোমায়

আমি নিশিদিন তোমায় ভালোবাসি,

তুমি leisure মাফিক বাসিও ।

আমি নিশিদিন রেঁধে বসিয়ে আছি,

তুমি যখন হয় খেতে আসিও ।

আমি সারানিশি তব লাগিয়া, রব চটিয়া মটিয়া রাগিয়া,

তুমি নিমেষের তরে প্রভাতে এসে দাঁত বের ক'রে হাসিও ।

সখি শ্যাম না এলে

সখি শ্যাম না এলো—

সে আসা না আসা সমানই সে সখি—

শুধু এলো আর চলিয়া গেল ।

ব'লে গেল বড় পেয়েছে ক্ষিধে,

এই ব'লে চ'লে গেল সে সিধে—

কিন্তু সে জাদে না আনার হৃদে

কি বিষম ছুরি মারিয়া গেল ।

ও রে রে রে নেপাল

ও রে রে রে নেপাল আমার কলিকাতায় খাবি রে ।

গিয়ে দেখছি নিশ্চয়ই তুই পক্ষিমাংস খাবি রে ।

তুই খাবি যবনের ভাত, ওরে তোর বাবে ভাত

আমি তাই দিন রাত বসে' বসে' ভাবি রে ।

আহা ভেবো না

আহা ভেবো না, আহা ভেবো না ।

আমরা ত আছি কখনই তারে

মুগী খাইতে দেবো না ।

ওহো যদি সে মজায়—

কুলনারীগণে, যদি সে মজায়—

ব'লতে পারিনে, কুলনারীগণে যদি সে মজায়—

জেলে যায়, যায় ফাঁসি—কুলনারী যদি সে মজায়—

জাত তার—থাকবে বজায়—ভেবো না ।

মার্ মার্ মার্

মার্ মার্ মার্ ধর্ ধর্ ধর্ কাট্ কাট্ কাট্ হো ।

ডুম্ ডুম্ ডুম্ ডুডুম্ ডুডুম্ ভোঁপ্পো ভোঁপ্পো ভেঁ । ।

হাতি পর হাওদা আর ঘোড়া পর জিন

নাচোরে খেই খেই খেই তা দিন দিন দিন—

পাড়োরে গাল ঘোরা তরোয়াল—

বন্ বন্ বন্, হন্ হন্ হন্, শন্ শন্ শন্ শেঁ । ।

“ছেড়েদে ছেড়েদে লাগছে যে হাঁপ”

“গেলাম রে” “মোলাম রে—” “বাপ রে বাপ”

উঠেছে রোল—বেজায় গোল—‘পালারে পালারে পালারে পোঁ ।

আমি আর কি

আমি আর কি যেতে পারি বাবা !

মানব উদ্ধার কর্তে হবে—আগে একটু সারি বাবা ।

লিখছি যে বক্তৃতা গান—আপনি ফিরে বাড়ী যান,

দেখতে কি পাচ্ছেন না আমার উদ্দেশ্যটা ভারি বাবা !

[সঙ্গীগণকে] ফিরে যাও ভাই ম্যালেরিয়ার, মর্তে হয় ত তোমরা মর

যাচ্ছি না ক চাটগাঁয়, তা যাই বল আর যাই কর—

[আনন্দকে] ম্যালেরিয়ার গর্ভধারিণীর অবস্থাটি গুরুতর ?

গর্ভধারিণী তিনি ধারিণী—আমি কি তাঁর ধারি বাবা ।

আজ, চল চল

আজ, চল চল ফিরে চল চট্টগ্রামে পুনর্বার ।

ওরে, হ'রে গেছে প্রেমকাণ্ডে জ্ঞানকাণ্ডে একাকার ।

আজ নেপালচন্দ্র বোঝাচ্ছে তার বক্তৃতাতে ধর্মসার ;

ওরে নূতন সত্যে নূতন তব্ধে ছেয়ে গেল এ সংসার ।

আজ ঘুচাতে ধরার ভার ঘুচাতে এ অন্ধকার ;

ঐসাহিত্য আকাশে নেপাল পূর্ণচন্দ্র অবতার ।

নিপট কপট তুঁহ

নিপট কপট তুঁহ শ্রাম (আরে)

তুধু বৈঠে বৈঠে হম তুঁহারি কবিতা পড়ে,

আঙ না বিচারি—হাহা কিয়া কেয়া কাম ।

শায়ির গান

লাজ কাজ সব কর্ণফুলিমে ডারি
সারি সারি বৈঠে ছ' সব নারী,
খিচুড়ি থাকে আওর কপি তরকারি,
জ'পত জ'পত ছ' নেপালচাঁদ নাম ।

এসো হে, বঁধুয়া

এসো হে, বঁধুয়া আমার এসো হে,
ওহে কৃষ্ণবরণ এসো হে,

ওহে দস্তমানিক এসো হে ;

এসো সন্ন্যাসিতলস্নিগ্ধকাস্তি,

পমেটম চূলে এসো হে ।

ওহে লম্পটবর এসো হে,

ওহে বকেশ্বর এসো হে ;

ওহে কলমজীবী নভেল-পাঠক—

ঘরে বাঁটা খেতে এসো হে ।

ওহে কম্ফর্ট গলে এসো হে

ওহে পেড়ে ওড়নায় এসো হে ;

ওহে অঞ্চলদড়িবন্ধন গুরু,

গোয়ালেতে ফিরে এসো হে,

এসো পূজোর ছুটিতে এসো হে,

ওহে বড় দিনে ফিরে এসো হে ;

এসো Good Fridayতে privilege leave,

French leave নিয়ে এসো হে ।

সম্পূর্ণ